



Wantok



Namba 1861 Wan Wik Epril 15 - 21, 2010

Niuspepa Bilong Yumi Ol PNG Stret! K1 tasol



Noken abrusim Sabina's Corner

Olgeta Wik!

Sabina's Corner

Tok pisin - pes 6 na Tok english - pes 8

BALUN BILONG SWIM: Swim long solwara em i samting bilong amamas. Nau i gat ol kain kain balun olsem long helpim ol yangpela i waswas gut long solwara. John Pade, em i save stap long Godens Polis Bareks long Mosbi. Em i save baim long Godens, na go winim long Ela Bis nambis na salim long K10 na K15. Taim bilong malolo long skul o long wiken taim planti ol yangpela i raun pilai long nambis, John i save salim planti balun tru. *Poto: Nicky Bernard.*




Winim ol Tiket long go long Soka Wol Kap Fainol!

TUPELA TIKET LONG LUKIM FAINOL GEM

1000 US DOLA MANI LONG YUSIM

BALUS TIKET OL TRAFIK NA PLUS LONG SLIP



Teksim "Soccer" igo long 7878 long go insait long dro bilong Winim tupela Tiket long go lukim Soka Wol Kap Fainol. WANTAIM K1,000 long winim olgeta wik i go inap long Gren Prais Dro.

1 Kina long wampela SMS, Tupela pakej long winim

Digicel

(Mopla, Epril 15 - 21, 2010)

Long kaire moa Informatin ringim Kastoma Kea long tti 125 long Digicel fon bilong yu. Terra na Kondisen bai stap

Sekim K396,000 bilong 2010 Sepik elementri tisa trening

Bruce Gai i raitim

WANPELA singaut i go nau long provinsel edukesen ed-va isa bilong Is Sepik provins

long mekim wok painimaut long moa long K396,000 we ol treni elementri tisa long provins i bin baim fi long 2010 elementri tisa trening.

Elementri seksen long Divisen bilong Edukesen insait long Is Sepik provins i bin holim elementri tisa trening bilong dispela yia long Maprik distrik i no long taim i

go pinis.

Long dispela trening, 396 treni elementri tisa i bin stap insait long dispela 6-pela wik trening.

Moa stori long pes 2



Rait abus!



Lae Bisket bai opim nupela bikpela fektori long Sarere

James Kila i raitim

LAE BISKET Kampani bai opim nupela bikpela fektori bilong en long Kamkumung insait long Lae long Sarere.

Siaman bilong Lae Bisket Kampani, Sir Henry Chow i tokaut olsem Gavana Jeneral, Sir Paulias Matane bai opim dispela nupela fektori long Kamkumung.

Sir Henry i tokaut tu olsem Apostolik Nunsio bilong PNG, Rev Asbisop Francisco Mondeccillo Padilla bai mekim dedikesin o blessing long dispela nupela fektori na Siaman bilong Katolik Bisops Konfrens (CBC) bilong PNG na Solomon Ailans Rev. Bisop Francesco Panfilo bilong Alotau tu bai stap long givim helpim.

Sir Henry i bin givim liklik histori bilong Lae Bisket fektori taim ol i bin statim nambawan liklik bisket fektori long Voco Poin long 1972. Long dispela tai mol i stat wan-



CHOW: Siaman bilong Lae Bisket Kampani bod, Sir Henry Chow em tumbuna bilong lain Sainis husat i stap 115 yia long PNG.

taim 30-pela wokman tasol. Stat long dispela taim i kam inap nau kampani i gro na develop bikpela tru na nau Lae Bisket i gat moa long 450 wokman meri. Kampani nau i stap wok moa long 35 yia.

Em i stori tu olsem long nambawan taim tru taim kampani i bin statim wok bilong en long Voco

Poin, ol i save kamapim hap tan tasol long wanpela de. Tude kampani save kamapim 80 tan prodaksin long wanpela de.

Em i stori tu olsem Lae Bisket em wanpela femili kampani we Chow femili i go pas long en. Dispela Chow femili i stap moa long 115 yia long PNG. Stori i go tu olsem dispela tumbuna tru bilong Chow i bin kam nambawan taim tru long PNG olsem wanpela leba man tasol. Ol lain Jeman i bin kisim em long Saina na bringim em i kam long wok long kopra plentesin long Kokopo long Is Nu Briten. Long dispela taim ol i save kolim ol dispela kain wokman "Coolie Labourers".

Wantok Niuspepa bai ronim wanpela bikpela saplimen bilong ofisal opim bilong dispela nupela na bikpela Lae Bisket fektori long neks. Long kisim moa stori, baim tasol *Wantok Niuspepa* bilong yu na ridim.

Sekim K396,000 bilong 2010 Sepik elementri tisa trening

I kam long pes 1

Wan wan treni tisa i bin baim K1,000 olsem trening fi. Trening i bin stat long Februari 22 na pinis long Epril 3, 2010.

Ol dispela treni tisa i kam long olgeta 6-pela distrik insait long Is Sepik provins.

Dispela singaut bilong mekim wok painimaut i kam long wanpela sinia edukesen opisa insait long Maprik distrik long Wewak, Is Sepik provins.

Dispela sinia edukesen opisa i askim provinzel edukesen edvaisa bilong Is Sepik long mekim wok painimaut bihainim ol ripot, komplek na toktok long:

- ol treni tisa i no bin kisim gutpela kaikai;
- ol treni tisa i no bin slip long gutpela haus slip;
- sampela meri treni tisa i slip longwe tumas long ples bilong kisim kaikai na trening;
- ol trena i no givim ol teks buk an ol arapela samting long ol treni tisa;
- i nogat ol gutpela trening ples olsem klasrum, sia na tebol.

Dispela sinia edukesen opisa, husat i askim Wantok Niuspepa long noken autim nem bilong em, i tok ol treni tisa bin baim bikpela mani tru long trening fi. Em i tok bikos long dispela, olgeta samting bilong dispela trening i mas gutpela. Tasol nogat.

Em i tok ol trena i noken haitim asua bilong ol na tok olsem olgeta samting i bin orait tasol. Em i tok long luksave bilong em, na tu long ol ripot na toktok em i kisim long sampela treni tisa i tokaut na soim olsem ol treni tisa i bin stap long trening wantaim bikpela belhevi na komplek. Em i tok ol treni tisa i no bin amamas long ol samting i kamap long dispela trening.

"Wan wan treni tisa i bin baim K1,000 olsem trening fi. Ol trena i putim ol dispela mani long we o i spenim ol dispela mani long wanem ol eria? Na ol treni tisa i no kisim gutpela kaikai long moning, belo na apinun. Ol trena wantaim bosman bilong ol i mas tokaut long wanem ol eria na samting ol i bin spenim dispela mani, K396,000 insait long dispela 6-pela wik bilong trening," dispela sinia edukesen opisa long Maprik i tok.

"K396,000 insait long 6-pela wik i bikpela mani tumas. Taim yu brukim dispela mani go long wan wan wik, em i 66,000 long wanpela wik. Ol trena i spenim dispela mani long wanem ol samting? Dispela mani i bilong ol treni tisa na ol trena i mas yusim dispela mani long provaidim gutpela kondisen bilong trening long ol treni tisa," em i tok.

Em i tok tu olsem ol pipel long Maprik taun i lukim na save long kaikai ol treni tisa i kaikai, ol haus na ples we ol i bin slip na ol arapela hevi ol i bin bungim. Em i tok ol treni tisa i bin i gat tingting long toktok, tasol dispela opisa i tok ol trena i no bin holim bung na askim o kisim tingting bilong ol.

Em i tok wanpela grup bilong ol treni tisa meri husat i bin slip long Haus Meri bilong Maprik Kaunsil ov Wimen i bin bungim bikpela hevi long spes bilong slip, wara na toilet. Em i tok bikos i bin nogat inap ples bilong slip, sampela treni tisa meri i bin slip

long aninit bilong haus. Long wankain taim tu, opisa ya i tok ol treni tisa man tu i bin bungim wankain hevi. Olsem na ol i bin wokim tripela haus kandis na slip insait long ol.

"I luk olsem nogat gutpela wokbung i bin kamap o stap namel long ol trena wantaim bosman bilong ol. Mani em bilong ol treni tisa. Ol i bin baim dispela mani long kisim gutpela kaikai, slip long gutpela hap, yusim ol gutpela trening fasiliti na tu bilong kisim ol teks buk na ol arapela samting," dispela sinia edukesen opisa i tok.

Dispela edukesen opisa long Maprik distrik i tok opis bilong provinzel edvaisa bilong edukesen i mas kamapim wok painimaut long dispela samting.

Em i tok K396,000 em i bikpela mani tumas na em i gat bilip olsem AusAID i bin givim sampela mani tu long dispela trening program.

Em i tok long 2008, 85 fes yia treni tisa i bin stap insait long namba wan trening.

Wanwan bilong dispela 85 treni tisa i bin baim K910 na olgeta mani inap long K77,350 bilong sikspla wik.

Long 2009, dispela 85 treni tisa i go bek long namba tu hap bilong trening. Em i tok wanwan bilong ol baim gen K910. Em i tok i bin i gat 15-pela fainal yia treni tisa tu i bin stap long dispela trening. Olsem na, opisa ya i tok namba bilong ol treni tisa i bin i go antap long wan handre. Em i tok dispela i min olsem ol trena wantaim bosman bilong ol i bin kisim mak bilong mani inap long K91,000 bilong nainpela wik. Long dispela yia, ol trena wantaim bosman bilong ol i kisim moa long K396,000 bilong sikspla wik.

Dispela sinia opisa i tokim Wantok Niuspepa olsem sapos ol i bungim dispela olgeta mani wantaim K25,000 AusAID i givim long wan wan trening, olgeta mani mak bilong wan wan trening bai olsem:

- 2008 em K102,350.00;
- 2009 em K116,000.00; na
- 2010 em K421,000.

"Skelim mak bilong mani wantaim namba bilong ol trening wik. Yet ol treni tisa i kaikai wan wan liklik krim kreka (cream cracker) bisket long moning na long belo na apinun, ol i kaikai rais nating wantaim tinpis," dispela edukesen opisa i tok.

"Watpo na 10-pela treni tisa i serim wanpela tinpis? Watpo na planti taim ol i kaikai rais nating wantaim tinpis long belo o apinun. Watpo i nogat kumu long kaikai bilong ol? Ating Maprik i bin sot tru long ol gaden kaikai na kumu long dispela taim?" dispela opisa i tok.

Em i tok opis bilong provinzel edukesen edvaisa i mas mekim painimaut long wanem rot, eria na ol samting ol trena wantaim bosman bilong ol i spenim dispela mani bilong ol treni tisa. Em i tok wok painimaut i mas karamapim K102,350 bilong 2008, K116,000 bilong 2009 na K421,000 bilong dispela yia, 2010.

Em i tok sapos wok painimaut i painim olsem ol trena wantaim bosman bilong ol i asua, orait, provinzel edukesen edvaisa i mas yusim ol pablik sevis na criminal lo bilong kantri long mekimsave long ol.

Siassi kirapim wok long ring rot

Michael Novingu i raitim

SIASSI Ailan insait long Tewae-Siassi Distrik long Morobe Provins bai lukim moa senis long sait bilong developmen.

Membra bilong Tewae-Siassi, Vincent

Michael, i mekim dispela toktok taim em i brukim graun long wokim rot raunim Siassi Ailan long Lablab Gavman Stesin las wik.

Mista Michael i tok rot raunim ailan em i bikpela samting long laip bilong ol manmeri

we ol lidaman bilong bipo i no laik long stretim.

Em i tok ol memba bilong palamen long bipo i yusim ol manmeri long kisim mani long pulapim poket bilong ol, na ol i no wari long givim sevis long ol manmeri.

Em i tok Provinzel, nesenel gavman o lus tingting long givim mani long stretim rot long wanem ol i no bihainim trupela na stretpela rot long kisim mani long stretim rot long kisim sevis i go long ol manmeri bilong Siassi.

"Ol kampani kam pulim timba, ol i stilim timba bilong mipela na ol i no stretim rot na ol arapela samting long Siasi Ailan," Mista Michael i tok.

Morobe Provinzel Gavman i makim K2.1milien long stretim rot na ol arapela long kisim sevis i go long ol manmeri i stap long Siasi Ailan.

Presiden bilong Siassi Lokel Level Gavman, Joel Johnson i tok brukim graun long wokim rot i kirap bilong nupela laip na senis long sindaun bilong ol.

Mista Johnson i tok dispela em i mak bilong senis long kisim developmen i kam long Siassi Ailan.

Em i tok Hat Metal Konstraksen Kampani i stat wok pinis las wik Mande bai ol i wokim tupela bris long Bam na Metere wara, na rot bai ol i wokim i go long Lablab Katolik Misin Stesin na bungim wantaim Bunsil Gavman Stesin.

OXFORD, TOK PISIN INGLIS DIKSENERI

Katim, na pulmapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (USD)	QTY	SUBTOTAL
PNG Tok Pisin English Dictionary	9780195551129	K38.50		
				TOTAL K.
				PLUS POST* K.
				TOTAL TOTAL K.

Options for Payment

1) Direct debit into Bank Account (debit order)
 2) Mail Transfer to World Publishing Company Ltd, PO Box 7100, BIRBAI, ACT
 3) Call into the office, Office 11, Section 59 (Aldershot), Wauchope St, ACT

Account Name: World Publishing Company Ltd
 Account Number: 100 000 5340
 Bank: Bank of South Pacific Ltd
 Branch: Commercial Centre
 Branch Code: 8951
 Swift Code: WCPNPGM

FAX BACK TO: (675) 325 2579

Name (print): _____
 Address (print): _____
 Email: _____

Signature: _____

PNG gat gutpela taim bihain:

Paul Zuvani i raitim

PAPUA Niugini i abrusim gut hevi bilong mani long wol na ikonomi bilong en long 2010 na i go bai kamap strong.

Dispela em bikos em i yusim ol mani long Tras Akaun long helpim em.

Em i kamapim Tras Akaun long taim em i kisim gut mani long ol minerol na petrolium risoses bilong en long taim prais bilong dispela ol samting I stap antap.

Wantaim dispela em long gutpela fiskol polisi bilong Gavman.

Long ripot bilong en long ikonomi bilong Pasifik long 2010 Esian Developmen Benk (ADB) I tok PNG I mekim gut.

Wantaim PNG em Timor-Leste husat i abrusim hevi bilong 2009 na ikonomi i luk gut long 2010.

Long PNG ADB i tok kamap bilong tupela likuifaid neturel ges (LNG) projek long kantri bai helpim gut tru ikonomi bilong kantri.

Long dispela yia gros domestic prodak (GDP) bilong kantri i stap long 8 pesen.

Na long 2014 na i go GDP bilong kantri bai stap long 15 na go long 25 pesen.

Tasol maski dispela I kamap bikpela hevi em long inflesen, kos bilong ol guds na sevis bai go antap.

Inflesen long dispela yia bai stap long 9 pesen.

Ol manmeri bai "dig moa i go insait long poket bilong ol," long baim ol samting na kisim sevis.

Inflesen i kamap bikos ol bisnis haus i kisim dispela sans long sasim moa ol samting bilong ol long ol kampani i wok long LNG projek.

Na olsem ol bai gat liklik sori tingting long ol liklik manmeri.

Dispela US\$14 bilion (K42 milion) LNG projek we ExxonMobil wantaim ol poroman kampani olsem Oil Search i kamapim bai stat salim ges long 2013 o 2014.

Konstraksen wok i stat long dispela yia.

Narapela tupela projek we bai strongim ikonomi long 2010 em long kamap bilong Ramu Nikel na Hiden Veli Gol Main.

Wantaim dispela ol wok long

building na konstraksen sekta i kamap planti na moa manmeri bai kisim wok.

Na narapela samting em wok resis long komyunikesen sekta namel long bimobail na Dijisel.

Benk I tok long mani bilong LNG projek Gavman i plen na i laik kamapim tupela fan:

- SOVREN Fan na
- STEBELAISESEN Fan.

Long dispela Benk i tok em i gutpela disisen tasol Gavman i mas lukautim gut dispela ol Fan.

Long Soven Fan Gavman bai yusim dispela mani long Developmen Baset bilong en long kamapim ol rot, skul, haus sik na ol arapela sevis.

Long Stebelaisesen Fan Gavman bai yusim mani taim em i bungim taim nogut long Mani Plen bilong en long bihain taim.

Tasol wari bilong Benk em olsem long ol Tras Akaun o long Fan Gavman i mas yusim mani stret long wanem samting em i makim long em na i no yusim mani long narapela samting.

Sapos em i bihainim plen wok developmen bai kamap gut.

Goroka bagarap nau long bikhet pasin

James Kila i raitim

GUTPELA taun bilong Hailans rijon long pastaim, Goroka taun igo bagarap tru wantaim planti bikhet pasin i kamap ples-klia long pablik ples.

Long Mande nait ol sampela raskol lain i sutim na kilim indai meri bilong Isten Hailans provinsal edministreta, Munare Uyassi long Gonix Strit klostu tasol long haus bilong em. Dispela birua i bin kamap namel long 7 na 8-kilok long nait.

Sampela ripot Wantok Niuspepa i kisim i tokaut olsem bikhet pasin olsem ol man i dring bia na bikhet long pablik olsem Goroka maket igo bikpela tru. Moa long en ol spak-man na ol lain bilong simuk spak-brus (mariwana) i pulap tru na pait na sutim ol yet long naip long maket eria. Ol spakman tu i save wok-about na pispis long pablik fran long ai bilong ol manmeri. Ol ino save sem stret, na dispela pasin i bagarapim na daunim tru gut-nem bilong Goroka.

EHP Polis Komanda, Chief Inspekta Augustine Wampe i tok olsem polis i wok long mekim wok painimaut yet igo insait long dispela birua we i lukim meri bilong provinsal edministreta, Mr Uyassi i dai taim ol sampela lain i sutim em wantaim gan.

Polis ripot i tokaut olsem ol i bin sutim Misis Uyassi long bros bilong em na han-sut bilong em na strong bilong kares i tromoi em sampela mita pastaim long em i pundaun igo daun long graun.

Mista Wampe i tok olsem polis i bin painim wanpela kares bilong selp-loding raifol (SLR) long ples we ol lainya i sutim dispela meri.

Polis ino holim yet wanpela man bihain long dispela birua na wok painimaut igo het yet.

PCC Wampe i askim ol pablik long Goroka long helpim na givim infomesin sapos ol i gat long holim-pas ol dispela lain.



Namba 2 sensus pri-tes long Morobe

Namba 2 pri-tes bilong 2010 Nesinol Populesin na Hausing Sensus kwestenia bai kamap long Lae na Markham distrik long Morobe provins stat long neks wik Mande.

Ol i makim pinis wan wan ol haus insait long Umi/Atzera Rurel, Aihai Rurel na Lae Eben Lokal Level Gavman we dispela namba 2 sensus pri-tes bai kamap long en.

Ol sensus yunit em sensus pri-tes bai karamapim em Atzunas na Tumua long Markham distrik, Kamkumung Maket, Oleander, Casuarina na Poinciana Aveniu long Lae distrik.

Nambawan pri-tes i bin kamap long Kupiano long Abau distrik long Sentrol provins long las mun.

As tingting bilong dispela pri-tes em long luk-save olsem kwesten ol i askim i orait na i stret na ron gut tasol, na i klia na ol lain i bekim gut taim ol ofisa bilong sensus i askim ol taim sensus tru i kamap long mun Julai.

2010 Nesinol Populesin na Hausing Sensus Taim bilong mekim askim na kauntim bilong 2010 Nesinol Populesin na Hausing Sensus bai kamap long mun Julai stat long 11 igo 17.

Long redi long sensus tru long kamap, wanpela ol wok redi bai kamap long mun i kam pastaim long sensus tru long Julai.

Pri-test o wok-traim bilong ol sensus kwesten em bikpela hap bilong long plenim sensus.

Senus em bikpela samting na em wanpela nesinol ivent na wanem tingting ol lain long Lae na Markham distrik i givim long taim bilong pri-tes bai helpim long mekim 2010 Nesinol Populesin na Hausing Sensus i kamap gut.

Em bikpela samting tru olsem Gavman mas save long hamas namba bilong pipel i stap long wan wan viles, distrik, siti, provins na kantri. Dispela bai helpim Gavman long plenim gut ol wok developmen long helpim ol pipel.

Na wanpela rot tasol Gavman i ken save long hamas pipel, wanem ples ol i stap na wane mol wok ol save mekim em long Nesinol Populesin na Hausing Sensus tasol.

2010m em namba 4 taim sensus i kamap long PNG. Las sensus i bin kamap long yia 2000.

Narapela bikpela samting insait long wok-redi bilong sensus em household listing. Dispela ekksesais nau i wok long kamap long olgeta provins long kantri na bai gohet yet inap long neks mun.

Trening bilong ol listas long olgeta provins i wok long kamap long ol lokal level gavman bilong ol.

Ol i kisim ol lain long wok listas i kam long ol wod bikos ol i save long planti samting long lokal eria.

Nesinol Statistikal Ofis i askim igo long olgeta manmeri long kantri long helpim na givim gutpela tingting long ol wok-redi nau i kamap igo inap long taim sensus tru i kamap. Dispela bai i mekim bikpela sensus tru long mun Julai i kamap gutpela.



Ren long Mosbi lukim pinat i pulap

TAIM bilong ren long Mosbi siti i givim gutpela sans tru long ol lain bilong planim gaden kaikai long sait sait bilong ol maunten long siti. Planti lain i groim pinat, kon na ol kumu na salim long ol rot-sait maket long siti na tu sampela i wok long karim ol pinat na raun na salim long ol ofis insait long siti. Wanpela bikpela pes lapun man Ombua Yomba bilong Kofena insait long Asaro long Isten Hailans em papa tru bilong raun na salim pinat. Planti taim dispela lapun i save karim mekpas pinat bilong em na raun na salim long K1. Taim Wantok i askim em sapos em bai go bek long Kofena tu o nogat? Na lapun Yomba i tok "Ambo, mi bikpela pes bilong Mosbi pinis".

Poto na stori: James Kila

Nestlé MILO

KAMAPIM CHAMPION BLO YU!

MILO Actigen-E

Namel long 600-700 pipel save dai long sik malaria long PNG

...Slip aninit long taunam i gat marasin

Veronica Hatutasi i raitim

NAMEL long 600 na 700 pipel long PNG i save dai long sik malaria long wanpela yia. Na klostu tu million (2 milion) i save go slip long haus sik na kisim marasin taim ol i sik wantaim malaria.

Populesen Sevis Intenesenel (PSI) i tokaut olsem insait long wanpela de trening woksop em i bin holim bilong ol niuslain long Mosbi long dispela wik Tunde. Dispela woksop i bilong skruim save bilong ol nius manmeri olsem malaria em i wanpela sik nogut i save daunim planti pipel na ol i save slip long haus sik. Na planti i save dai.

Mak long pipel i dai long sik malaria na ol dispela i slip long haus sik em PSI i kisim long Helt Dipatmen ripot, tasol i gat bilip olsem namba long PNG i stap antap moa yet bikos rekot long ol dispela mak antap em ol lain i save go kisim helpim long ol haus sik na helt senta long kantri. Dispela i soim olsem namel long 11-16 pe sen long ol dai i kamap long ol haus sik em ol i dai long sik malaria. Planti long ol dispela i dai e mol pikinini we krismas i stap daunbilo long 5-pela yia na tu, ol bel mama.

Skelim wantaim wol rekot, PSI i tokaut olsem 3.2 bilion pipel i stap insait long 107 kantri long wol we sik malaria i stap long en. Na namel long

300-500 milion pipel long ol dispela kantri i save slip long haus siktai ol i kisim sik malaria. Na wan million (1 milion) pipel, moa yet, ol liklik pikinini we krismas i stap daunbilo long 5 yias na ol bel mama i save dai long en.

Malaria em i wanpela sik bilong bipo bipo tru bikos long wol histori, kantri llijp i rekotim dispela sik long bipo tru, planti tausen krismas i go pinis.

Long PNG, malaria em i wanpela long top 5 sik we gavman i tokaut olsem moa lukluk i mas go long em bikos 90 pe sen long populesen inap long kisim dispela sik. Tasol wantaim kamap bilong HIV/AIDS, bikpela wok, mani na taim long PNG i go long en (AIDS) na nogat bisi tumas long ol narapela sik i bin stap longpela taim na kilim dai planti man, meri na pikinini.

Long planti yia nau, ol gavman, ol saveman, saientis na ol dokta i karimaut ol wok painimaut long rot bilong daunim sik malaria. Na sik malaria na hamas pipel i dai long dispela sik em PNG i ken daunim sapos em i mekim sampela samting.

Namba wan em long slip aninit long moskito net o taunam we ol i putim marasin long ol olgeta nait.

Long PNG, tok tru i stap olsem pasin bilong marasin i no wok (drug resistance) em i wanpela hevi na as i lukim planti pipel i dai long sik malaria na tu, long ol narapela

sik.

PSI Edvokesi Menesa Iraingo Moses o tokaut olsem klorokwin em dispela marasin we ol dokta na nes i save givim long ol lain i kisim sik malaria i no wok moa.

Em i tok dispela em bikos kantri i yusim dispela marasin longpela taim nau na ol moskito i save givim sik malaria long pipel i save pinis long dispela marasin. Na ol i painim rot long abrusim strong bilong em long wok na daunim ol.

Em i tok nau marasin ol i kolim long atimita i wok na ol sikman wantaim malaria i mas kisim long 7-pela de. Tasol em i tok nupela marasin em Atimisinim beis Kombinesen Terapi (ACT) tritmen ol bai kisim i kam long kantri long mun Septemba long dispela yia na em bai gutpela na strongpela moa long kilim ol binatang bilong sik malaria.

Woksop i harim save tu olsem "Anafilis moskito" em wanpela moskito tasol i save karim binatang na kaikaim man long givim sik malaria long man.

"I gat ol kaikain moskito tasol anafilis meri moskito i save karim sik malaria. Em i save stap long klinpela hap, laikim klinpela preswara na i no ol pipia wara. Na i kaikaim man bipo long biknait (midnight) na givim binatang bilong sik malaria. 7-pela de bihain anafilis moskito i kaikaim man em man bai

kisim sik malaria," Ms Iraingo i tok.

Wantaim fanding bilong Global Fan, Roteri Egens Malaria (RAM) i wok long tilim ol taunam i gat marasin long ol ol i kolim long Long Lasting Insecticide Treated Nets (LLINTNs) long wok bilong daunim sik malaria.

Long namba tri raun i karamapim yia 2004-2009, RAM i bin tilim 1,507,546 LLNs insait long PNG. Na long raun 8, i bin stat long 2009-2014, em bai tilim 6,651,428 taunam insait long PNG.

Wanpela nupela samting we ol ripota i bin lainim long dispela trening woksop em, yu no inap long stopim sik malaria sapos yu wokim ol dispela samting. Klinim ples olsem kukim ol pipia, rausim ol tin, pulapim ol hul wara na klinim insait long haus bilong yu.

Dispela em bikos meri anafilis moskito i save laikim klinpela ples long stap, gutpela klinpela preswara na i save kaikaim man bipo tasol long biknait.

Tasol Miranda Bryant em program menesa i tok dispela i no min olsem yumi i mas slek na i no klinim ples bikos ol narapela moskito i stap we i save karim ol narapela sik olsem strongpela skin hot o "dengue fever".

Wol Malaria De bai pondaun long Sande Epril 25 tasol long PNG, luksave long dispela de bai kamap long Vanimo long Mande Epril 26.

YUMI na HIV
WANTAIM
Fr Jude Ronayne
Forde OFM



Nesenel HIV AIDS

Strategy 2011-2015

LAS wik mipela i kibung bilong stretim tok long kain kain wok long HIV AIDS kantri i mas mekim long ol yia 2011-2015.

Wanpela grup i go nabaut long kantri na i harim ol wari na hevi i stap - ol program i no wok gut tumas - gutpela wok ol i mekim nau na ol i mas skruim i go i go - sampela senis o nupela wok ol i mas mekim - na wanem tingting ol i laik i stap baksait long ol dispela wok.

Ol i wok hat na ol i redim wanpela pepa - ol i kolim "Draft 6 National HIV AIDS Strategy 2011-2015" - na mipela i bung - pulap long ol lain bilong kain kain Kristen lotu - bilong skelim ol tok na tingting i stap insait long dispela "draft-pepa". I gat tripela bikpela hap long dispela pepa.

Hap 1: Prevention.

Hap 2: Counselling, Testing, Treatment, Care and Support.

Hap 3: System Strengthening.

I gat spes hia bilong toktok long Hap 1 tasol: "Prevention".

Dispela i minim, yumi no laik bai wanpela man moa i kisim dispela sik HIV. Olsem nau, yumi painim ol rot blong banisim dispela sik. We bilong kisim HIV, yumi save pinis: man i prenim meri, man i prenim man, mama i givim long bebi, manmeri i kisim long sut i doti o long tattoo. Olsem na, mas wokim ol program o painim rot bilong was na lukautim ol lain man na meri, boi na gel na bebi.

Mipela ol Sios lain i ridim ol dispela na mipela i pilim dispela ol tok em bilong ol haiden. Piksa bilong man em i olsem wanpela enimal i save pamuk nabaut long laik bilong em yet. Bikpela tingting i stap baksait long dispela "draft-pepa" em, how long savim man long HIV na em i ken gohet na pamuk long laik bilong em wantaim. I no gat tok long gutpela pasin na pasin nogut; i nogat tok long ol lo: lo bilong nature, lo bilong Gavman, kastam lo, o lo bilong God. Laik bilong wanwan em as tingting bilong dispela "draft-pepa".

Na ol Sios lida i kirap nogut long ol dispela tingting. Ol i askim: Yumi Kristen kantri o nogat? Dispela pepa i nogat tok long Krai o bilip o pasin bilong gutpela sindaun (morality). No gat tok long man i controlim laip bilong em (sexual control). I nogat tok long: A, B, C na D. A: "Abstain" - no ken mekim prenpasin; B: "Be faithful" - stap tru long marit bilong yu; C: "Kristen pasin"; D: "delay" - yangela mas weit pastaim bipo ol i statim prenpasin.

I luk olsem, dispela "draft-pepa 6" i bilong ol lain i amamas tru long pamuk pasin i stap long kantri nau na i wok long bagarapim ol yangpela na ol famili lain.

Krais i mas i stap long olgeta program na plen-tingting bilong dispela kantri bikos pipel yet i tokaut pinis - PNG em wanpela Kristen kantri i mas i gat Kristen bekim tu long HIV na AIDS.

Mama karim wod kisim bikpela helpim

Nicky Bernard i raitim

BOROKO Motors Krismas Apil save kamap olgeta yia, long helpim ol Turagu husat i no save amamas long krismas na nupela yia, planti bilong ol save stap long haus sik bet.

Dispela yia ol kolektim sampela mani na baim sampela ol samting bilong ol lain husat i stap long haus sik.

Las wik Boroko Motors, Media Partners na FM100 i go lusim ol samting long Wod bilong ol mama karim, dispela ol samting em ol laspela samting ol kisim long yia i go pinis.

Long kisim ol dispela samting, Sista i lukautim mama karim wod Sista Jennifer Pyakalyia i tok tenkyu long ol Boroko Motors na ol lain husat i helpim long kamapim dispela gutpela wok.

Em tok mama karim wod i save pulap olgeta de na nait, maski em bikpela wod long olgeta hap long haus sik, em tok tu olsem dispela helpim i



HELPIM: Ol lain manmeri i makim Midia Patnas, Boroko Motors na FM100 i sanap givim ol donesen long Sista Pyakalyia, meri i lukautim mama karim wod long Pot Mosbi Jeneral Haus Sik. *Poto: Nicky Bernard*

kam long rait taim we ol mama i karim nogat hap bilong ol long slip long wanem wod bilong karim ol wok long mekim mentenes na dispela wod 11 em ol brukim go tupela hap long helpim ol mama mas karim gut.

Boroko Motors, Media Partners na FM100 i mekim dis-

pela wantaim helpim bilong sampela bilong bikpela kampani olsem Courts, Avis Rent a Car, WH Industries, Colgate, UMW Niugini, Pacific Industri, Laga Industri, Seeto Kui, KK Kingston, Security Plus, Telikom, PNG Pest Control na sampela ol bikman meri husat tu i putim mani

long helpim olsem Stan Joyce, Guy Lamont, Claire Embahe Ninai, Nancy Sioni na Late Henry Kila.

Dispela yia Boroko Motors bai mekim dispela Apil gen na ol singaut I go long binis haus husat I laik hepim bai wet tasol long September long dispela yia.

2010 Praid bilong PNG meri luksave awot i op



God i was gut long ol stretpela manmeri

BIPO tru i gat wanpela man nem bilong em Enok i stap.

Em i man bilong bihainim tok bilong God na God i laikim em olsem na taim em i sindaun i stap yet namel long ol manmeri nogut, God i kisim em i go stret long heven.

God i no larim em i stap wantaim ol manmeri bilong sin na giaman. Nogut pasin bilong ol i paulim tingting bilong em.

Sapos ol gutpela manmeri i save tingting planti long ol kain kain samting nogut, tingting bilong ol bai paul tu.

Long sotpela taim tasol dispela man i kamap gutpela na stretpela tru.

Na em i winim planti man i bin wok longpela taim long kamap stretpela manmeri.

Bikpela i belgut long olgeta pasin bilong em, olsem na em i kisim em i go long we long ol manmeri nogut.

Ol manmeri i lukim dispela samting, tasol ol i no save long mining bilong em, na em i no sutim bel bilong ol, ol i no save. God i laikim ol manmeri bilong em na em i save marimari long ol na lukautim ol gut.

Ol manmeri i dai pinis ol bai kotim ol manmeri i stap yet long graun, taim ol manmeri i lapun pinis, pasin bilong ol yangpela manmeri bai semim ol tru.

Sampela taim ol manmeri i gat stretpela tingting i save dai long taim ol i yangpela yet. Na ol manmeri nogut i lukim dispela na ol i no inap save long ol samting bikpela i laik mekim long ol dispela manmeri.

Ol i no save dispela em i pasin bilong bikpela bilong bringim ol i go long gutpela ples i nogat wari.

Ol manmeri bai lap na tok bilas long dispela gutpela manmeri i bin dai tasol yu wet. Bikpela bai lap nogut tru long ol manmeri nogut na bai ol i sem, God bai tromoi ol i go daun long graun na ol bai no inap toktok moa. Na bai em i sakim ol na ol bai i bruk na bagarap olgeta.

Ol bai i karim pen nogut tru, taim ol i dai bai ol manmeri i no krai sori long ol, ol arapela manmeri i dai pinis, ol tu bai lap nogut long ol inap oltaim. I no long taim na bai no gat wanpela man o meri i tingim ol moa.

Bai ol i pret na guria nogut tru, taim God skelim pasin bilong ol, long wanem sin bilong ol bai i kamap ples klia. Marimari bilong Bikpela bilong yumi Jisas Krai i ken i stap wantaim yupela.

Save I Ken Helpim:

Stiatok long kaikai bilong ol manmeri gat sik suga

DAIBITIS o sik suga i wanpela laipstail sik i wok long kamap bikpela long PNG.

Ol sampela tok stia long kain kaikai we ol manmeri i gat sik suga inap kisim;

- Kisim kaikai long tripela taim insait long wanpela de. Yu mas kisim wankain mak kaikai olgeta de;
- Kaikai isi;
- Kisim ol kain kaikai bai helpim yu long kontrolim level bilong sik suga. Em ol kaikai olsem kaukau, yam, taro, holmil bret o braun bret, braun rais na pasta, bin o lentil, ol kumu na prut;
- Kukim mit, kakaruk, opis na kiau long wei bai gris i raus long beikim long aluminium foil olsem stail bilong mumu. Abrusim o noken kisim ol kaikai ol i kukim long gris, bata, majarin o kokonas gris o krim.

Moa long neks wik

Veronica Hatutasi i raitim
"KISIM strong na sanap yu yet long mekim samting bai helpim yu yet na kantri, maski yu wanpela disebol o yu gat sampela hap bodi bilong yu i bagarap." Manoka Igo, wanpela disebol meri, i tok.

Manoka i bin wokim dispela toktok long las wik Fonde long taim bilong lonsim 2010 Top luksave awot bilong ol Meri long Ela Bis Hotel long Mosbi.

Siti Famasi kampani (CPL) i bin kirapim dispela resis 4-pela yia i go pinis bilong givim luksave awot long ol meri insait long ol komyuniti long ples na ol taun i mekim bikpela na gutpela wok tasol nogat ol i no save kisim wanpela luksave.

Manoka i bin kisim luksave long disebol level long las yia, 2009. Na em wantaim nara-pela awot wina long 2008, polimeri Petrina Dikin, i bin kisim askim long kam toktok long 2010 lons bilong opim resis we ol i save kisim 6-pela wina meri long las wik.

Manoka bilong ples Gaire i bin kamap disebol taim em i liklik yet na kisim sik we i bagarapim lek na em i no wok-

about gut. Em i sindaun long wilsia, tasol dispela i no stopim em long skul na kisim wok olsem ol nara-pela manmeri i nogat bagarap long bodi bilong ol. Em i wok olsem risepse-nis long Cheshire Hom long Mosbi. Pastaim em i bin wok wantaim PNG Gel G a i d s A s o s i e s e n long Mosbi. Long famili bilong em, em tasol i wok na lukautim ol. Man bilong em, Sekoi Igo em i aipas man. Na namel long tupela yet, ol i save helpim ol yet long wokabaut na stap bilong ol. Olsem Manoka i tok taim Meri Wantok i stori wantaim em, "Mi lek bilong em (man bilong em) na em i ai bilong mi." Olsem na wanem hap tupela i go, Manoka bai soim rot na go pas tasol man bilong em bai bihainim.



LONSIM MERILUKSAVE AWOT PROGEM: Gavana Jenerel Se Paulias, Hai Komisina bilong Australia Ian Kemish na meri bilong em, wantaim ol bik manmeri bilong Siti Famesi i sanap wantaim 2008 na 2009 awot wina, Petrina Dikin na Manoka Igo wantaim man bilong em Sekoi. Poto: Nicky Bernard.

"Mitupela i save go na baim ol samting long stoa wantaim, go lukim ol pren na hauslain wantaim na kalap long PMV wantaim. Tasol em i hat long PMV bikos i nogat hap bilong ol disebol i sindaun na long wankain taim, putim ol wilsia bilong ol long em," Manoka i tok.

"Mi no save pilim narakain long ol nomol manmeri. Tingting, save, mekim ol samting na wari long ol samting i wankain

namel long ol disebol na ol nomol manmeri," Manoka i tok.

Manoka i tok "yumi mas hatwok long kamapim samting o kisim gutpela sindaun long laip. Na em i autim tok tenkyu long Siti Famasi long kirapim dispela luksave resis we 6-pela meri i save kisim luksave awot long gutpela wok ol i mekim long komyuniti na wok bilong kamapim senis, gutpela sindaun na developmen long kantri.

RAUN LUKIM OL MERI NA PIKININI



BUNG LONG NAMEL: Nais tru long lukim tripela kanu ol dispela Madang pikinini i pul i go long ol i bung long namel na i go yet long bikpela Wara Ramu.



GADEN TAIM: Liklik yet tasol ol i lainim pinis long wok gaden olsem tupela liklik pikinini i soim. Mama i digim ol naispela kaukau tru na



SAMPELA NAISPELA BILAS: Ol elementeri skul pikinini Gabagaba i putim bilas na sindaun harim ol bikman i toktok long wanpela seremoni i bin kamap long skul bilong ol.



WINIM OL NARAPELA: Olsem yu lukim hia long piksa long Buka Maket, Bogenvil em i ples tru bilong ol traipela buai olsem apel long PNG. Kunua/Keriaka, Tin putz na Sentrel Bogenvil em ol asples bilong ol traipela buai stret long Bogenvil.

Ol Poto: Wantok Nius

Maladina mas rausim ol pinga bilong em long mama loa

NAMBA 1 HAP

YUMI wok kisim stret astingting bilong Moses Maladina, Honorabel Memba bilong Esa'ala long Milen Be provins? Long ol midia toktok bilong en, em i tok dispela



askim bilong em nau i stap long Palamen long senisim Seksen 27(4) bilong Konstitusen o Mama Loa em bilong gutpela bilong ol pipel husat i wet longpela taim tumas long kisim mani skel bilong ol inap long K10 miliar long wan wan ilektoret. Olgeta memba bilong palamen i vot sapotim dispela amenmen. Ol lain olsem Sir Mekere, Bart Philemon, Francis Awesa na Powes Parkop tu i vot na sapotim. Mipela i ting olsem dispela ol lain memba bai tok nogat long dispela askim bilong traim na kisim nating mani we i nogat ol banis i stap long was long en.

Yumi ken lukim Konstitusen o mama loa olsem wanpela simen faundesen bilong sanapim haus antap long en.

Olsem na taim Konstitusen Plening Komiti (CPC) i sindaun long painim sistem bilong gavman PNG bai kisim taim em i painim independens, ol i sekim bihainim olgeta stori ol i kisim long pablik insait long ol bung ol i mekim long olgeta hap kona bilong kantri.

Bihain long ol i sekim olgeta toktok ol i kisim long pablik na ol savemanmeri, ol i kamap long tingting olsem Papua Niugini i mas kamap wanpela palamentri demokrasi aninit long lo i bihainim Inglis Sistem bilong gavman.

Bihain long ol i pasim tingting long en, CPC i kisim palamen sistem bilong gavman bilong Ingran we i luksave long bikpela as luksave olsem em bai wanpela demokrasi aninit long rul ov loa na faundesen bilong em bai wanpela konstitusen we ol i raitim.

Na konstitusen i tok klia long astingting olsem sistem bilong gavman i mas i gat tripela divisen o han bilong gavman. Ol dispela em Lejislesa (Palamen), Eksekutiv (Gavman) na Judisari, na dispela tripela i mas stap ol yet. Taim ol i mekim wok, dispela tripela i ken sanap ol yet, tasol ol i mas kam aninit long Konstitusen na pawa bilong ol Loa Kot bai Palamen na Eksekutiv Gavman i mas wok stret aninit long loa bilong kantri. Dispela em i namba wan bikpela astingting bilong sistem bilong gavman yumi gat.

Olsem na long skul tingting, Konstitusen em i antap olgeta, na i nogat narapela samting i winim. Sapos yu lukluk baksait long Konstitusen, yu bai luksave olsem Konstitusen em i wanpela politikal pepa i tok klia stret long wanem kain politikal sistem Papua Niugini i bihainim, we em i wanpela "palamentri demokrasi aninit long rul ov loa."

Konstitusen i luksave olsem olgeta pawa i stap wantaim pipel. Na long dispela, em i min olsem pawa bilong mekim ol lo (em ol palamen pawa); ol eksekutiv pawa (em i pawa bilong lukautim kantri); na ol judisal pawa (em pawa bilong ol kot). Na dispela em i as tru long priemba o tok i go pas bilong Konstitusen, we i tok olsem:

"MIPELA, ol pipel, i sanapim nau dispela kantri na tokaut olsem mipela, aninit long stia bilong han bilong God papa, i kamap na stap Independen Stet bilong Papua Niugini.

NA MIPELA I TOK, wantaim bilip olsem olgeta pawa i stap wantaim pipel - i wok bihainim ol manmeri ol yet i makim na votim."

Olsem na ol Honorabel memba bilong Haus Palamen i mas luksave olsem, "olgeta pawa i stap wantaim pipel" na wok bilong ol em bilong stap aninit na bihainim Konstitusen na i no bilong ol long stat digim rausim ol rop bilong Kostitusen. Na ol pawa bilong mekim ol lo bilong kantri i mas inap long mak bilong "mekim ol lo i gutpela bilong lukautim kantri".

Ausait long tripela bikpela han bilong gavman, Konstitusen i gat rot i stap long sanapim ol arapela Stet Institusen long banisim ol rait bilong ol pipel.

Moa yet, we Ombudsmen Komisin i kamap aninit long dispela:- CPC i bin skelim tingting olsem ol pawa bilong eksekutiv gavman i ken bikpela tumas, na long sampela hap, i nogat pinis bilong en.

Bihain ol i tok tu olsem mak bilong ol pawa bilong Kot tu i gat arere bilong en taim eksekutiv gavman i pasim o daunim ol rait na fridom bilong pipel, bikos ol jas inap tasol long glasim na tok klia long loa bihainim ol loa bilong graun. Ol i no inap wok ausait long loa. Tasol i nogat arere bilong pawa bilong gavman taim ol i laik yusim ol namba bilong ol long Palamen long mekim ol lo.

Na olsem wanem sapos pasin bilong gavman i bihainim loa, tasol em i no stret? Wanem samting bai kamap?

Olsem na ol man i kamapim Konstitusen i tok olsem mipela i mas kamapim wanpela grup ol i kolim "Ombudsman Commission" olsem wanpela traibunal o las rot bilong ol manmeri long autim belhevi bilong ol, na OC bai kisim dispela ol tingting bilong ol pipel long strong bilong em na karim i go long kot, na pipel i no inap long peim ol loya long autim keis bilong ol.

Em nau, bihain long ol i mekim ol provisin bilong sanapim OC na bihain long ol i makim ol pawa na wok bilong en, ol lain Papa bilong Konstitusen i no bin klia gut long strong bilong samting ol i kamapim, na ol i tok sapos olgeta arapela rot i lus, OC na Komisin i mas gat narapela rot i stap. Olsem na ol i kamapim Seksen 27(4) bilong helpim Komisin long givim oda long gavman sapos Komisin i pilim olsem ol lida i no mekim wok bihainim spirit na pasin bilong wok ol i holim olsem ol lida.

Olsem na dispela em i Seksen 27.

Seksen 27 bilong Konstitusen i tok olsem:-

27. Ol wok bilong opis.

(1) Man o meri [em ol lida] ... em pasin bilong em, long pablik o long praivet laip bilong en, na long wok bung wantaim ol arapela manmeri, i noken (a) k a m a p long sindaun we em i stap long konflik ov intares o stap insait long wok we em yet i ken kisim samting taim em i mekim pablik o opisal wok bilong en; o

(b) mekim samting i daunim opis o posisen em i gat; o

(c) larim pablik o opisal luksave, o nem bilong en long bagarap; o

(d) long pretim o daunim luksave na bilip, na gutnem bilong gavman long Papua Niugini.

(2) Moa yet ... [lida] ... i noken yusim opis bilong em long kisim samting bilong em yet o long go insait long wok bisnis o arapela wok we i ken mekim pablik i tingting nogut long wok bilong em aninit long ol stia long Sabseksen (1) [antap].

(3) Narapela wok bilong ... [lida] ... em

(a) bilong luksave wantaim strong bilong em yet, olsem man o meri na pikinini na husat arapela manmeri i stap long lukaut bilong em (maski hauslain, aninit long lo o i makim pes o maus bilong em), olsem ol nomini, ol trasti o ejen, i noken mekim pasin we i ken mekim pablik i tingting nogut long lida i mekim stret wok bilong em aninit long dispela Seksen; na

(b) sapos em i mas mekim, em i mas tokaut long pablik olsem em i no stap insait o wantaim wanem kain wok o bisnis bilong ol asosiet, o husat manmeri i stap pinis long paragraph (a), we i ken kirapim tingting nogut long wok bilong lida.

(4) Ombudsman Komisin ... i ken ... [aninit long olgeta arapela lo i stap long stiaim pawa na wok bilong en] ... givim oda, long olgeta o long wan wan lida, long bihainim stret olgeta toktok insait long dispela Seksen [27].

(5) Husat manmeri ... [em lida] ... husat --- (a) i kisim kot mekimsave long asua em i mekim long opis o posisen bilong em long sait bilong wok em i mekim; o (b) i no bihainim wanpela oda aninit long Sabseksen (4) o i no karimaut wok bilong em aninit long ol Sabseksen (1), (2) na (3), em i asua pinis long wok bilong em.

Long ol niuspepa stetmen long dispela samting, mipela i luksave olsem Maladina i laik senisim Konstitusen taim em i rausim olgeta pawa long OC aninit long seksen (4) bai Komisin i no inap long givim moa oda long ol lida.

Neks wik long dispela kolum, mipela bai givim yu olgeta samting i stap insait long ol Amenmen o senis Maladina i laik kamapim.

Nau yet, yu mas skelim tingting yu yet sapos ol dispela Seksen 27(4) pawa bilong Ombudsman Komisin i gutpela na i mas i stap, o nogat. Glasim gut nau inap mipela i givim yu olgeta toktok bilong Maladina insait long ol senis em i laik kamapim. Mi bai givim tingting bilong mi tu long wanem hap i gat nid long tok klia long en.

Maladina must get his sticky fingers off the constitution

Part 1



ARE we reading Moses Maladina, the Honourable Member for Esa'ala in the Milne Bay Province correctly? From his recent press releases, he is saying that his proposal before Parliament now to amend Section 27(4) of the Constitution is for the benefit of the people who have to wait far too long to lay their fingers on their annual allocation of K10 million for each electorate. And curiously, every member of parliament voted in favour of the amendment and that includes people like Sir Mekere, Bart Philemon, Francis Awesa and Powes Parkop, people whom we thought might have objected to the proposal as being an outright attempt to access easy money without the necessary checks and balances.

Let us say the Constitution is like a concrete foundation that one must lay before one builds a house. Thus, when the Constitutional Planning Committee (CPC) sat down to consider what system of Government and statehood PNG should assume upon independence, they painstakingly went through their notes of the numerous public hearings they had conducted throughout the country and after going through their other written proposals by the public and the special consultants alike, adopted the notion that Papua New Guinea would be a parliamentary democracy under the rule of law based on the English system but under a single house.

Having determined that, the CPC then adopted the English parliamentary system of government which recognizes the fundamental principle that it will be a democracy under the rule of law and its foundation shall be a written constitution.

And the Constitution neatly spells out the idea that the system of government must consist of three divisions (also called the three arms of government). Namely, the Legislature (Parliament), the Executive (Government) and the Judiciary and these three must be separated and in their operation each must operate independently, but subject only to the Constitution and the powers of the Law Courts to ensure that the Parliament and the Executive Government are operating under the laws of the land. This is the fundamental principle behind our system of government.

Therefore, in theory, the Constitution is supreme. If you look behind the Constitution, you will appreciate that in essence the Constitution is a political document that spells out in detail what type of a political system Papua New Guinea should adopt and that is "a parliamentary democracy under the rule of law".

The Constitution starts off by recognizing that ultimately, all powers belong to the people. And by that, it means the powers to make laws (the parliamentary powers); the executive powers (meaning the powers to govern); and the judicial powers (the judicial powers). And this is the very reason that the preamble to the Constitution states, in part, as follows:

"WE, THE PEOPLE, do now establish this sovereign nation and declare ourselves, under the guiding hand of God, to be the Independent State of Papua New Guinea.

AND WE ASSERT, by virtue of that authority that all power belongs to the

people - acting through their duly elected representatives."

Thus, let our Honourable members of the House be aware that "all power belongs to the people" and their role is to act strictly within the ambit of the Constitution and not to start digging up the roots of the Constitution. And the powers to make laws for the country is limited to "making laws for good governance of the country".

Apart from the three main arms of government, the Constitution then proceeds to provide for the establishment of other State Institutions to safeguard the rights of the people. In particular, where the Ombudsman Commission comes in is this:- the CPC reasoned that the powers of the executive government can be rather overbearing and in some cases, almost without limit. It was further reasoned that even the powers of the Courts of Law may also be limited when it comes to the conduct of the executive government encroaching upon the rights and freedom of the people because all that the Judges can do is to interpret and apply the laws of the land and not act outside the law, whereas the government has almost unlimited powers to make laws using their numbers in Parliament.

And where the conduct of the government is legal but in essence improper, then what happens there? Thus, in their wisdom, the founders of the Constitution determined that we need to create a body called the "Ombudsman Commission" as a tribunal of last resort for the ordinary citizen to air his or her grievances and the OC will take up the fight without any financial costs to the citizen unlike going to court where you have to pay lawyers to conduct your case.

Thus, after making provisions for the establishment of the OC and after providing for its powers and functions, the Founders were still unsure of the effectiveness of what they gave us and reasoned that if all else fails, the OC, then the Commission must have a final card up its sleeve so they threw in Section 27(4) to assist the Commission to give directions to the government if in its opinion, the Commission felt that the leaders were not acting within the spirit of their responsibilities as leaders. So here is your Section 27.

Section 27 of the Constitution states as follows:-

27. Responsibilities of office.

(1)A person [meaning our leaders] ... has a duty to conduct himself in such a way, both in his public or official life and his private life, and in his associations with other persons, as not -

(a) to place himself in a position in which he has or could have a conflict of interest or might be compromised when discharging his public or official duties; or

(b)to demean his office or position; or

(c) to allow his public or official integrity, or his personal integrity, to be called into question; or

(d)to endanger to diminish respect for

and confidence in the integrity of government in Papua New Guinea.

(2)In particular ... [a leader] ... shall not use his office for personal gain or enter into any transaction or engage in any enterprise or activity that might be expected to give rise to doubt in the public mind as to whether he is carrying out or has carried out the duties imposed by Subsection (1) [above].

(3)It is the further duty of a ... [leader] ...

(a)to ensure, as far as is within his lawful power, that his spouse and children and any other persons for whom he is responsible (whether morally, legally or by usage), including nominees, trustees and agents, do not conduct themselves in a way that might be expected to give rise to doubt in the public mind as to his complying with his duties under this Section; and

(b)if necessary, to publicly disassociate himself from any activity or enterprise of any of his associates, or of a person referred to in paragraph (a), that might be expected to give rise to such a doubt.

(4)The Ombudsman Commission ...may...[subject to all other laws in place governing its powers and functions] ... give directions, either generally or in a particular case, to ensure the attainment of the objects of this Section [27].

(5)A person ... [meaning the leader] ... who

(a)is convicted of an offence in respect of his office or position or in relation to the performance of his functions or duties; or

(b) fails to comply with a direction under Subsection (4) or otherwise fails to carry out the obligations imposed by Subsections (1), (2) and (3), is guilty of misconduct in office.

From various press statements on the subject, we gather that what Maladina wants to do is to amend the Constitution by getting rid of the powers of the OC under section (4) above so that the Commission cannot give any more directions to leaders.

In the next commentary on this column, I will provide you the contents of the Maladina Amendments.

For now, you have to decide for yourselves whether those Section 27(4) powers of the OC are necessary or not until I provide you the text of the proposed amendments in next week's column, and my assessment, where appropriate.



WANTOK
KOMENTRI

Mani paulim pasin na tingting bilong yumi

MANI em i samting we i stap long as tru bilong olgeta paul pasin. Sapos mani nogat, bai yumi olgeta stap olsem ol santu na stretpela manmeri o nogat?

Mani tasol i mekim na nau yumi lukim ol lida bilong yumi long Palamen i traिम long senisim mama loa bilong kantri na rausim banis long ol i kisim kwik K10 milien bilong wan wan ilektoret bilong ol.

Long mani tasol na gavman i tok oraitim wanpela bikpela projek na opim dua long kisim ol kampani bilong Saina i kam insait long Madang provins. Nau bikpela belwari tru i stap wantaim ol pipel bilong Madang long busgraun na solwara bilong ol.

Na nau yumi lukluk long bikpela PNG Likwifait Netseral Ges projek bai kamap long graun bilong yumi.

Mani tasol i mekim na ol biknem raskol bilong yumi wok long poroman na wokbung gut tru wantaim sampela ol lidaman bilong yumi.

Sapos mani em i wanpela hap pepa nating, bai yumi wari long en o nogat?

Planti ol lida manmeri bilong yumi, nau i sindaun gut tru antap long mani ol i wok kisim na bungim bihainim laik bilong ol yet.

Mak bilong mani insait long han bilong wan wan long ol i strongim tingting bilong ol olsem ol i noken lusim dispela wok ol i holim nau.

Planti long ol i save silip kirap wantaim tingting bilong mani, tingting bilong bungim mani, na tingting bilong gat inap mani bilong baim ol vot long 2010 nesanel iekslen.

Watpo na mani i kamap samting olsem?

Watpo na mani tasol i mekim na ol pipel gen i wok long sindaun wantaim hevi?

Mipela olgeta i save olsem yumi mas i gat mani bilong lukautim sindaun bilong yumi na famili bilong yumi. Olsem na yumi save wok potnait, o salim gaden kaikai, o salim kain kain samting we yumi save olsem i gat manmeri bai laikim na baim.

Tasol yumi mas tingting gut. Mani i noken mekim yumi lusim kalsa, pasin na bilip bilong yumi.

Gavman i noken aipas long kina na toea, na lusim tingting long pasin tumbuna na busgraun bilong yumi ol asples. Sapos i gat projek i kam insait, pipel i mas opim maus na toktok strong agensim em i bagarapim busgraun na solwara bilong yumi.

Yumi pipel i mas toktok strong agensim developmen we i stilim graun bilong yumi. Mani i no olgeta samting long laip bilong yumi.

Provins gat risos tasol nogat senis

ATING ol liklik provins olsem Nu Ailan, Westen, Manus, Madang na Bogenvil inap long lukim ol bikpela developmen na sevis i kamap.

Pes bilong taun inap kamap gutpela wantaim ol gutpela kolta rot, pawa saplai, wara saplai, gutpela haus sik na polis stesin, ol nupela klasrum mas go antap, gutpela maket na ol pilai graun na ol stua na bisnis inap kamap planti taim ol dispela senis i kamap.

Long Nu Ailan provins, i nogat as long taun bai stap yet long bus bilong bipo, kolta bruk nabaut long rot, ol palang bruk na kapa ros nabaut long haus sik na polis stesin, bikos provins gat ol bikpela wok maining olsem Lihir na Simberi. Ol takis o teks kredit skim inap go long stretim ples.

Skel o sea we maning save givim go long provins mas go long dispela kain senis yumi toktok long en ya.

Pikinini bilong mi bin kam bek long Kavieng na stori olsem wanpela kar bin ron kam na kalap long pot hol na tupela pasindia long baksait i sut go ausait na pundaun long kolta na kisim bikpela bagarap. Sori stret, ol pipel bai kisim pen na bagarap yet



bikos rot bai nogut, haus sik bai nogut yet na taim ol rot i nogut yet, bai nogat man i ronim ol gutpela kar long kain rot nogut olsem.

We stap ol mani bilong maining we inap stretim ol sevis olsem long Nu Ailan provins. Wankain, we stap mani bilong ol memba long bringim sevis na developmen long ples? Sir Julius Chan em traipela man tumas long Papua Niugini na em mas pasim maus na stretim ples nau.

Noken toktok nabaut long memba bilong Kaveing Martin Aine. Em politiks man bilong aste tasol ya. Mekim samting pastaim na toktok ken kam bihain.

Long Westen provins, yumi save olsem kain ples olsem bai hat long sanapim sampela bikpela developmen bikos graun i no gutpela.

Tasol bikpela bikpela mani bilong Ok Tedi maining na nau LNG bai kamap ya, sanapim sevis na developmen we ol pipel bai kisim helpim long en. Baim graun kam na

pulapim sampela tais na sanapim ol bikpela opis bilong givim sevis long ol pipel olsem gutpela haus sik, polis stesin na haus bilong pablik sevens, stretim gut taun bai pulim ol bisnis kam insait.

Westen provins gat planti gutpela mani long teks kredit skim na ol distrik fans bilong ol memba na planti arapela mani kam long maining.

Manus provins em tru tumas yumi no inap skelim em wantaim ol arapela provins bikos ol nogat kain bikpela maining na risos bilong mekim mani long kirapim provins.

Tasol ating ol lida mas sanap wantaim na yusim gut ol provinsel grens kam long Nesanel Gavman long stretim wanwan samting pastaim.

Sapos rot em bikpela samting, orait stretim rot pastaim.

Bihain go gen long ol arapela eria we ol pipel ken kirapim liklik bisnis blong ol yet.

Bikpela samting em long provinsel gavman na ol nesanel lida long sanap wantaim na kamapim tingting na stretim na pinisim wanpela wok pastaim, bihain

go long narapela.

Madang nau igat planti kainkain bikpela projek na developmen kamap nau. Olsem na ol lida bilong Madang provins mas tokaut klia long ol bai yusim ol dispela helpim kam long ol projek na developmen ya long stretim provins olsem wanem? Wanem eria em bikpela long ol bai stretim pastaim long helpim ol pipel. Tokaut klia na soim klia ol plen bilong Madang provins. Bai yumi ken lukim lidasip bilong Madang i muv long stretim provins na bringim gutpela senis i kam. Noken larim ol dispela bikpela mani kam mekim bisnis na kisim mani go na Madang bai sindaun sore gen.

Bogenvil em ol risos na pawa stap pinis. Lidasip blong ol tasol mas kam aut na mekim eksen nau.

Bogenvil bin sevim PNG long bipo na ol save long dispela rot. Pipel mas kisim gutpela mani nau long kakao bilong ol na noken wok hat tru na nogat gutpela pei blong kakao. Em tok piksa tasol long kakao tasol bikpela samting em pipel laikim gutpela senis bilong sindaun gut na painim amamas. Ol sevis mas kam bek gen long Bogenvil.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Hari Tok Pisin long
Radio Australia
101.9FM
Port Moresby

Tok Pisin Service
6am - 7am 6080; 7240(kHz)
7pm - 9pm 5985; 6020; 9710; 1280(KHZ)

Japan i askim Tailen i helpim em

JAPAN i askim Tailen long mekim wok painim i go long dai bilong wanpela jenelis bilong en long wanpela pait namel long lain i no laikim gavman na ol sekyuriti fos bilong Tailen.

Wanpela kamera man bilong Japan, Hiro Miramoto, i wok long kisim piksa bilong ol trabel long Tailen bilong Reuters nius ejensi.

I gat samting olsem 17 ol arapela pipel tu i bin dai na 800 i bin kisim bagarap.

Foren Ministri bilong Japan i bin askim long dispela wok painim i mas kamap na i bin askim gavman bilong Tailen long i mas lukim olsem ol pipel bilong Japan long kantri bilong en i no bungim ol kain bagarap i kamap long ol.

Na Foren Minista bilong Tailen, Kasit Piromya i bin autim bikpela tok sori bilong em i go long dai bilong Mista Muramoto.

I no bin gat trabel long Bangkok tasol pipel insait long ol protes i tok long strongim askim bilong ol olsem nupela ileksen i mas kamap.

Senis long polisi i mekim ol refuji i kros

WANPELA loya i wok wantaim ol asailum sika long Krismas Ailan i bin tok ol refuji long hap i wok long gat bikpela wari taim Australia gavman i kamapim senis long polisi bilong em long stretim aplikesen bilong ol.

Gavman i bin tok ol asailum sika bilong Sri Lanka na Afganistan bai mas wet inap long sikspela mun pastaim long ol i lukluk long refuji askim bilong ol, long wanem em i tok ol trabel long ol dispela tupela kantri i wok long kamap orait.

Ol asailum sika bilong dispela tupela kantri em ol i stap pinis long Krismas Ailan o i wok long sel i kam long ol bot ol opisal bilong imigresen bai stretim aplikesen o pepa wok bilong ol.

Tasol dairekta bilong Refuji na Imigresen Ligel Senta, David Manne i bin tok mak bilong ol bel kaskas long senta i stat long i go nogut.



BALUS PUNDAUN LONG WES PAPUA: OL lain polisman na ol arapela i go sekim ples we wanpela balus i wel long ples balus na abrusim i go pundaun long bus long Wes Papua provins long Indonesia. Balus i bin karim ova 100 pasindia taim em i bin pundaun long Tunde dispela wik. 20 manmeri pasindia i bin kisim bagarap. Ol i tok balus i bin bungim birua long wanem i gat bikpela ren tru i bin pundaun taim em i laik kam daun. (EPA Poto i kam long AAP Images)

Taiwan i givim mani helpim long Solomon Ailans gavman

TAIWAN i bin givim namba wan mani helpim bilong em dispela yia i go long gavman bilong Solomon Ailans long Trening na Eduksen Awot bilong em.

Ripot i kam long Solomon Ailans Brodcasting Koporesen i bin tok olsem dispela wan milian na 2 handret tausen Amerika dola bai go long helpim gavman long lukautim moa long 700 ol sumatin bilong Yunivesiti.

Dispela progrem i bilong sapotim ol sumatin bilong Solomon Ailans i stap long ol yunivesiti na arapela ol bikpela koles long ol arapela Pasifik kantri olsem long Fiji, Papua Niugini na Vanuatu.

Solomon Ailans gavman i bin tok tu olsem ol sumatin em ol i kisim skul long Yunivesiti bilong Saut Pasifik Senta long Honiara i orait long kisim dispela mani helpim.

Pablik Sevan long Solomon Ailans i kisim trening

PEMANEN Sekreteri bilong Ministri bilong Pablik Sevis bilong Solomon Ailans i bin tokaut olsem olgeta wokmanmeri bilong gavman bai stap insait long trening bilong nu-

pela 'koud ov kondak' loa.

Ishmael Aviu i bin tok olgeta Pablik opisa bilong insait long Solomon Ailans Pablik Sevis bai mas go stap insait long dispela trening progrem, we em i tok dispela trening em i gutpela samting long lukim olsem ol opisa i bihainim long wei ol i mekim wok bilong ol.

Mista Aviu, i bin tok tri tausen faiv handret ol pablik opisa long Honiara na arapela wan tausen long ol provins bai stap insait long dispela progrem, we bai kisim tripela mun long ol i pinisim.

Taiwan i bungim strongpela guria

I BIN gat bikpela guria liklik i bin kamap long nambis bilong Taiwan, tasol i no bin gat ripot long ol samting i bagarap oa pipel i dai.

Opis bilong toksave long ol guria bilong Taiwan i bin tok dispela guria i bin kamap samting olsem 75 kilomita is bilong Chengkung, wanpela taun long Taitung kaunti bilong Taiwan.

Long mun Septemba long 1999, bikpela guria tru inap long 7.6 long rikta skel i bin kamap na kilim 2 tausen 4 handret pipel long ailan na dispela i bin wanpela bikpela bagarap tru long histori bilong Taiwan.

Ol Filipin pipel bai vout long Hong Kong na Singapo

OL I ting planti tausen Filipins wokman na meri em ol i stap long ol narapela kantri, i go vout long Hon Kong na Singapo long ileksen bilong kantri bilong ol long ilektim nupela presiden.

Ol i larim ol long vout wan mun pastaim long pipel stret long Filipins i vout.

Ol i laikim ol Filipins long go vout long Hong Kong na Singapo bilong traim wanpela nupela kompyuta vout sistem.

Pipel long Filipins bai vout long namba ten de bilong mun Mei.

Pipel bai voutim wanpela long Benigno Aquino, pikinini man bilong presiden bipo, Corazon Aquino, na wanpela malti miliane bisnismen, Manuel Villar, bilong kisim ples bilong Presiden Gloria Arroyo.

Temaru i kamap spika bilong asembli

LONG Frens Polinesia, ol i ilektim pinis pro independens lida na man husat i bin presiden bilong dispela teriroti bipo, Oscar Temaru, bilong kamap Spika bilong lokol lejisletiv asembli.

Oceania Flash i ripot olsem win

bilong em i kamap stret long taim Presiden Gaston Tong Sang i askim Frens gavman long pasim Haus ov Asembli na nau wanpela ileksen mas kamap.

Ol i ilektim Mista Temaru olsem spika bihain long namba tri na fainel raun bilong vout namel long Mista Temaru na wanpela olupela minista, Jean-Christophe Bouissou.

Mista Temaru i bin kisim 30 vout taim Mista Bouissou i kisim 20.

Palmer i laikim US Nevi long stat kamap gen

WANPELA long ol lida bilong Nu Silan husat long 1986 i bin putim wanpela strongpela polisi agensim ol Amerika nuklia sip long noken go long kantri, nau i tok em i taim nau bilong larim ol Amerika sip i go.

Sir Geoffrey Palmer i bin wok olsem deputi praim minista taim ol i wokim dispela polisi we ol i bin tok, sapos wanpela Ameriken nevi sip i to, em i mas tok klia pastaim sapos em i karim nuklia samting bilong pait o nogat.

Em i tok, ol i mas larim gen US Nevi i go insait long Nu Silan bikos i gat bikpela laik i kamap long dispela aidia long kamap.

Dispela Nu Silan polisi, ol i kolim "nuclear-free legislation" i bin kamapim belhevi wantaim Yunaitet Stets.

Bikos Yunaitet Stets i no bin amamas long en, em i no save laik tok klia sapos ol nevi sip bilong en i karim nuklia samting bilong pait.

Dispela bel hevi namel long Amerika na Nu Silan i bin mekim na Nu Silan i no bin laik larim ol US Nevi sip long go insait.

Sir Geoffrey i bin tokim Dominion Post niuspepa olsem, ol senis long US nuklia polisi long 1990s na agrimen bilong en dispela wik wantaim Rasia long noken moa wokim ol nuklia samting bilong pait, i min dispela tambu agensim ol US Nevi sip bilong 1986 i no moa stret na ol i mas nau stat larim ol long kam insait gen long Nu Silan.

PacificBEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Program bilong Wanwan De

Mande - Fraide

6am - 10am - Sankamap show - Host: K.A.S.T
 6:15am - Komuniti Notis Bod
 6:30am - Nius Hetlains / Bondei grittings
 Trukai Rais - GES FAIA KOMPETISEN
 6:45am - Nuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Conf'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde/ Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - NIUS - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlains
 4:45pm - YUMI PAINIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.

Weekend Shift - Saturday & Sunday
 6:00am - 11:00am - Wilen Sanrahs
 6:30am - Komuniti Notis Bod - Bondei grittings
 7am - 9am - Wilen Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Tumer (KAS.T) Anifeae - Team Leader / Program Director
 Angra KENNEDY - Senior Announcer
 Sinimil (Vaviessie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karent Afes
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karent Afes
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

Faundesen De pulim kain kain kalsa

Nicky Bernard

WANPELA bikpela skul long Pot Mosbi, Port Moresby Grammar i mekim wanpela so bilong ol, dispela so em bilong soim olsem dispela skul i stat long en.

Pom Grammar i stat 17 kris-mas i go pinis na dispela de ol kolim long Faundesen de em bi-

long amamasim dispela de taim skul i stat.

Las wik ol sumatin bilong dispela skul i no isi long soim klasa o danis tumbuna bilong ol, skul i pulap long ol papamama na ol sumatin bilong ol narapela skul.

I no klasa na danis tumbuna bilong yumi tasol, i gat ol danis bilong ol narapela kantri tu,

olsem Phillipines na West Papua.

Dispela tupela danis i pulim ai bilong ol papamama husat i bin go stap long dispela de, tasol taim ol mangi Motlok i kam wantaim naip danis bilong ol, planti i putim was nogut naip i abrus long han bilong ol.

Olgeta sumatin long dispela

skul i gat sans long soim kalsa bilong ol, i stat long Westen Hailans, Easten Hailans, Mendi Sauten Hailans, i kam long Morobe, Madang na ol Ailan long Niugini Ailans.

Siaman bilong skul i tok dispela de ol makim em bilong soim tu kalsa na pasin bilong tumbuna i mas stap strong long kantri bilong yumi.



POM GRAMMAR SELEBRESAN: Meri Wes Papua mekim stail. Ol Motlok mekim naip danis. Ol Philipino mekim mambu danis. Ol Hagen kilim skin. Foto: Nicky Bernard

EMTV Television Guide

THURSDAY, APRIL 15 2010

5.00AM G JOYCE MEYER Religious Program
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G PIXEL PINKIE
 3.30PM G HI-5
 4.00PM G SNOBS
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE

5.30PM G WHO WANTS TO BE A MILLIONAIRE - HOT SEAT
 6.00PM G NATIONAL EMTV NEWS
 6.30PM G A CURRENT AFFAIR
 6.57PM NEWS UPDATE IN TOK PISIN
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G ELITE MUSIC ZONE
 9.00PM PG CUSTOMS
 Underbelly's Damien Walsh-Hawling presents the compelling return of Customs. Drug traffickers, people smugglers and international terrorists all caught red-handed by customs officers. (New Series)
 9.30PM M FOOTY SHOW (return for 2010) Join Paul "Fatty" Vautin and Andrew Voss for the 2010 Footy Show. The boys bring you all the latest news, views and gossip from the 2010 NRL competition and the wider sporting world in their own unique and humorous style.
 11.00PM G NATIONAL EMTV NEWS REPLAY
 11.30PM Australia Network

FRIDAY, APRIL 16 2010

4.59AM STATION OPEN
 5.00AM G JOYCE MEYER: Enjoying Every Day Life
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G EASTER SONG
 KIDS EASTER SPECIALS
 One and a half-hour of Easter Specials for kids to enjoy.
 3.30PM G EGG CELENT
 4.00PM G EASTER IN BUNNYLAND
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 CRIME STOPPERS
 5.55PM

6.00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.27PM EMTV TOK SAVE
 7.30PM G FRIDAY NIGHT FOOTBALL Wests Tigers v Bulldogs
 9.30PM G FRIDAY NIGHT LATE FOOTBALL - Titans v Dragons
 11.52PM G NATIONAL EMTV NEWS REPLAY
 12.00PM Australia Network

SATURDAY, APRIL 17 2010

11.59AM STATION OPEN
 12.00PM G SUPER LEAGUE Huddersfield v Castleford
 2.00PM G SUPER 14: Brumbies v Hurricanes
 4.00PM G TOTAL RUGBY
 4.30PM G PNG NATIONAL GAME FISHING - Catch all the highlights of the biggest national sporting event of the year in PNG - the 35th GFA PNG National Game Fishing Title held in Lae recently.
 5.30PM G MXTV
 6.00PM G NATIONAL EMTV NEWS

6.30PM PG AUSTRALIA'S FUNNIEST
 7.30PM EMTV TOK SAVE
 7.30PM PG HEY HEY IT'S SATURDAY
 For three decades, Hey Hey was Australia's favourite entertainment programme, amassing almost 30 Logie Awards along the way. Following the enormously successful reunion shows last year, a brand new series is set to burst on to our television screens in 2010. Host Daryl Somers will bring together the gang once more and present all your favourite segments, including Red Faces and Celebrity Heads, as well as a stellar line-up of local and international guests. Starring John Blackman, Red Symons, Russell Gilbert, Wilbur Wilde, Livinia Nixon, Ossie Ostrich and Plucka Duck. (Series return)
 9.35PM G SUPER 14
 Reds v Bulls
 11.20PM PG ELITE MUSIC ZONE
 11.40PM G N/EMTV NEWS REPLAY
 11.30PM Australia Network

SUNDAY, APRIL 18 2010

6.29AM STATION OPEN
 6.30AM G IT IS WRITTEN:

TORO



BIABIA



KANAGE



TOKWIN

Taim bilong ren...

Dispela mun Epril em taim bilong ren nogut long kam. Bai i gat strongpela laitning na klaut pairap klostu long haus bilong yu stret. Liklik toksave, plis noken go aut na waswas taim dispela hevi ren i kam daun. Stap insait na pasim lait wantaim ol mobail fon bilong yu. Pasim keten bilong windua. Mekso olgeta samting i save sain olsem ol silva naip o spun i noken stap klostu long windua olsem windua bilong haus kuk. Bikos ai bilong laitning i save bihainim ol samting i save sain. Yu mas oltaim olsem laitning i

save kilim man. Sapos yu wok-baut long rot, mekso yu no stap klostu long pawalain. I gutpela tru sapos ren i kamdaun, yu go hait long ol ples we laitning i no ken kisim yu. Ol ples olsem stua na sanp insait olgeta. Em tasol, liklik toksave long helpim yu. Sapos nogat ol savelain tru olsem ol Weda opis o haus sik long stiaim gut long birua bilong laitning.

Ino moa Goroka taun...

Naispela Goroka taun I go bagarap nau. Ol raskol sutim indai meri bilong Provinsal Edministreta, Kila Uyassi long Gonix Strit klostu long haus bilong em yet. Planti ol bik-het

pasin igo bikpela tru long pablik taun maket na ol strit nabaut. Ol Polis long Goroka i stap we nau? Moabeta ol lapun polis husat I wok nau long Goroka I mas transfe go long narapela hap na nupela lain go stap wok long hap. Kofi sisen tu i stat long Goroka, pasin bilong dring Live Lave na spak olsem kanaka bai go bikpela tru. Moni bai kapsait na ol manmeri bai long-long nabaut. Wanpela bikpela kefiu mas kamap long dispela taun na traim painim ol raskol lain o ol bikhet lain husat i save hambak na brukim lo.

Tokwin Tasol...

Word search grid with letters arranged in a 15x15 pattern.

Painim ol nem bilong ol tim long Australia Nesenet Ragbi Lig Resis: BRONCOS, COWBOYS, EELS, RAIDERS, SHARKS, STORM, SEA EAGLES, DRAGONS, ROOSTERS, WARRIORS, WEST TIGERS, RABBITOHS, BULLDOGS, PANTHERS, KNIGHTS, KIKOP, HAP TAIN, FUL TAIM, FAINOL.

4x4 grid puzzle with numbers in some cells.

9x9 grid puzzle with numbers in some cells.

Ansa bilong las wik Sudoku

Ansa bilong las wik Pasol

Word search grid with letters arranged in a 15x15 pattern.

EMTV Television Guide

Television schedule table with columns for time, channel, and program name. Includes dates for Monday, Tuesday, and Wednesday.

Raun wantaim Kanage olgeta wik



Trai agen leta

NARAPELA nem bilong Kanage em Kiap Agat. Em i bilong ples Kinim long Karkar Ailan. Oltaim em i save fevereitim Kin wara. Na oltaim em i save go kam long dispela wara na pasim taim, kisim taim wanpela taim na em i bin long long. I stap i go na wanpela poro bilong em i kisim em na tupela kalap long sip i kam long Madang Taun. Tupela i slip na neks moning, tupela kalap long bas na i laik go long Lae. Poro bilong em i sindaun long fran sit, na kanage i bosim wanpela sait bilong bek sit, taim ol i laik tekov stret ol i go long sevis stesin na boskru stat kolektim teks



long fran na i go pinisim long baksait. Taim em i kam long Agat, Em i no givim wanpela mani, em wok long sindaun ston na boskru wok long go kam na askim em long bas fe. Em i sindaun na kauntim hamas taim boskru askim em long mani. I go ating faivpela taim na Agat kirap na tokim boskru, "The number you are calling is busy. It is not in service, Because there is no network coverage. Please try your call again later". Ol lain insait long bas i no isi long lap

long turangu boskru, na em sem pipia nogut tru.

Soulist Raiiodz Madang

Fevret musik man

KANAGE em wanpela radio anaunsa long Wabag, em kirap na tok avinun long yupela olgeta tete bai yumi go insait long Koka kola garamut laik bilong wanwan. Tasol bipo yumi go insait bai mi pilaim tupela singsing long laik bilong mi yet pastaim. Namba wan em singsing bilong (Michael Bolton) long Inglis ol i save kolim olsem; I Love you but I lied. Long tok pisin em ol kolim; mi laikim yu tasol mi silip.

Namba tu singsing bilong (Elton John) long Inglis ol i save kolim olsem; Crocodile Rock. Long tok pisin em ol kolim; Pukpuk Rok Rok. Yu save kain stail tok pisin bilong ol Awii, yu husat na bai yu go senisim ol.

Wally Anis WHP

Ol skwat!
Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Email: atolire@wantok.com.pg

Bai yu i gat sans long winim "Raitman Kanage" t-siot!

Bodi bilong mi i gro hariap tasol krismas bilong mi i liklik

Dia Laiplain,
Mi gat wanpela hevi na mi laikim helpim.

Mi pikinini meri i gat 15 krismas tasol susu, as na bel bilong mi i gro bikpela moa winim ol narapela yangpela meri i gat wankain krismas olsem mi. Maski krismas bilong mi i liklik na mi bikpela long sais, mi save laik putim ol liklik sais klos. Wari em ol liklik klos i no inap long mi na mi save putim ol bikpela klos long karamapim bikpela skin bilong mi.

Maski mi putim ol taitpela klos aninit, nogat senis i kamap. Inap yu helpim mi long painim raitpela ansa long mekim bodi bilong mi i go liklik?

Ovasais Bodi

Tenkyu long serim wari bilong yu wantaim Laiplain. Mipela i luksave yu wok long pilim olsem wanem bikos long sais long bodi bilong yu.

Pren, mipela i laik tokim yu olsem i no yu tasol i bungim dispela hevi. Mipela i kisim planti pas long ol yangpela pipel olsem yu.

Na i gat planti samting i mekim we bodi bilong sampela yangpela i save gro bikpela winim krismas bilong ol. Sampela long ol em:

- 1- I stap insait long famili
 - 2- No kontrolim kaikai na dring
 - 3- Wari na hevi
 - 4- I no kisim balens o gutpela kaikai
 - 5- Hau man i lukautim em yet o pasin
 - 6- Bodi kemistri i no balens
- Pren, antap long olgeta samting, wanem ol kaikai yumi kisim i givim gutpela o nogut long bodi na long helt



bilong yumi wan wan. Tingim hap tok olsem, wanem samting yumi kaikaim i mekim yumi.

Sampela ol stia yu ken bihainim:

1-Bodi i mas stap helti. Bodi bilong yumi i mas gat balens kaikai long mekim gut wok bilong em long sait bilong bodi (physical), tingting (mental) na spiritual. Sampela ol balens kaikai-

- Pres prut na kumu;
 - Mit, pis, kiau, bin na salet;
 - Susu, sis na yogat.
- Sampela ol stiatok yu ken bihainim:
- Kisim kaikai long tripela taim insait long wanpela de na noken kisim kaikai long namel taim
 - Yusim ol liklik plet long skelim kaikai bilong yu.
 - Kaikai isi isi
 - Noken putim planti kaikai long haus na moa yet, ol snek kaikai olsem ol biskit, soklet, twistis samting.
 - Mas i gat gutpela tingting long i gat helti laipstail.
 - Askim ol poroman long sapotim yu long plen bilong yu long stap helti.
 - Noken kisim planti suga.
 - Dring planti wara.
 - Noken kisim ol gris na kaikai ol i praim.
 - Traim long eksasais. Pilai spot.
 - Noken go long ol ples we bai yu laik kaikaim ol kaikai i no gutpela long helt na

bodi bilong yu.

- Noken sindaun planti.

Olsem yumi tok pinis, i gat planti samting i mekim ol yangpela pipel olsem yu long kamap ovasais.

Mipela i bilip olsem sapos yu gat bikpela tingting long laip bilong yu, tingting gut pastaim bipo yu kisim kaikai. Sapos yu tingim yu yet, laip bilong yu bihain taim na helt bilong yu, yu yet i ken wokim samting long kamapim gutpela senis. Yu mas skelim gut tingting bilong yu. Olsem tok i stap, "Yu em wanem yu kaikaim."

Bikpela i laikim yu na i laikim gutpela samting i mas kamap long yu. Yu haus holi bilong God. Ritim 1 Korin 3:16. Yumi wanwan i narakain na wanem disisen yumi mekim i stiaim laip na helt bilong yumi.

Mipela i strongim yu long go lukim klinik klostu long yu long kisim moa tok stia. Bikpela i ken stiaim yu long laip na wokabout bilong yu.

Pren bilong yu Laiplain

Painim Tok! Raitim daun wanem pani samting yu ting i gutpela insait long babol long potu...

BAI YU WINIM WANPELA WANTOK T-SIOT O LAPLAP!

Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Wina bilong dispela kompetisen em: Hazel Sakail, P.O. box 950 Wewak, ESP

Mobail: 9761 72 28/ 729 5845

Kam long tok...

NEM: Abetnego Ifoho
KRISMAS: 23 (meri)
ADRES: CBC Church 125, Vanimo, Sandaun Province
SAVE LAIKIM: Pilai soka, volibol, basket bol, harim musik, lukim TV, na raitim pas

NEM: Isaiah Waghi
KRISMAS: 22 (man)
ADRES: C/- Nason Waghi, Heala Plantation Division, P.O Box 26, Kimbe, WNBP
SAVE LAIKIM: Raitim pas, ritim buk, pilai volibol, lukim TV, na mekim pani

NEM: Jeples Pongcal
KRISMAS: 20 (man)
ADRES: Magarima Provincial High School, P.O Box 33, Mendi
SAVE LAIKIM: Pilai tas, basketbol, soka na raitim pas

NEM: Benson Mickey Haskas
KRISMAS: 26 (man)
ADRES: Towan Primary School, P.O Box 228, Mendi, SHP
SAVE LAIKIM: Go lotu, ritim buk, raitim pas, stori, na tis long skul

NEM: Belinda Walete
KRISMAS: 24 (meri)
ADRES: Catholic Mission, P.O Box 36, Aitape
SAVE LAIKIM: Pilai spot, harim musik, go lotu, mekim pani, raitim pas, na senisim presen

NEM: Rona Waranumbo
KRISMAS: 21 (meri)
ADRESS: Bamesaka Academy, P.O Box 1171, Wewak, ESP.
SAVE LAIKIM: Go lotu, ritim buk na kukim kaikai

NEM: Tita Moses
KRISMAS: 17 (man)
ADRES: Bema High School Private Mail Bag, Morobe Provins
SAVE LAIKIM: ridim baibel, go lotu, pilai basket bol, volibol na soka

NEM: Jimmy Nisa
KRISMAS: 19 (man)
ADRES: Elo Primary School, P O Box 56, Vanimo Sandaun Provins
SAVE LAIKIM: raitim pas, harim musik, pilai na mekim pren

NEM: Jack Kima
KRISMAS: 21 (man)
ADRES: Kapiura Plantation, Bilomi Division, P.O Box 451, Kimbe
SAVE LAIKIM: Wokim pani, go lotu na wok

NEM: Moses Danny
KRISMAS: 22 (man)
ADRES: P.O Box 386, Eriku, Morobe Province
SAVE LAIKIM: Go lotu, pilai soka, volibol, na mekim pani

BSP SMS Benking: Benk long kain kain hap na taim

Paul Zuvani i raitim

INAP long dispela taim BSP, bikpela benk long Papua Niugin i gat inap olsem 40,000 kastoma husat i save yusim SMS benking.

Dispela i bihain long wanpela yia taim benk i lonsim dispela sevis long las yia Epril, 2009.

Benk i tok dispela kain sevis i mekim laip bilong ol kastoma i isi long taim ol i mekim wok benking.

Ian B. Clyne, Menesing Dairekta bilong benk i mekim dispela tok long dispela wik long taim Benk i amamasim namba wan yia bilong kamap bilong SMS benking sevis.

Em i tok wantaim SMS Benking kastoma i ken benk long kain kain hap na long kain kain taim.

"SMS Benking i save mekim laip bilong ol kastoma i isi na ol i save gat planti taim long mekim wok benking.

"SMS Benking i save mekim ol kastoma i yusim mobail bilong ol mekim wok benking na salim ol tok SMS tok i go long BSP.

"Wantaim SMS Benking ol kastoma i ken mekim wok benking we ol i no ken hatwok long go long Benk o ATM (atometik teling masin).

"Em i mekim yu i yusim mobail bilong yu long 24 aua na 7-pela de long wik," Mr. Clyne i tok.

Wantaim BSP SMS Benking ol toktok bilong akaun bilong yu i stap long pinga bilong yu.

Wantaim SMS Benking kastoma i ken go isi long akaun bilong en na save long balens o salim mani i go long narapela akaun.

Wantaim SMS Benking kastoma i ken:

- PAINIM AUT balens bilong akaun bilong yu;
- KISIM ol toktok bilong las tripela treseksen long akaun bilong yu;
- SALIM mani i go long narapela akaun na
- SALIM mani i go long tripela pati akaun kastoma i laik mekim

Wantaim dispela sevis, BSP Akauns tasol bai rejista olsem "trensefe akauns." Dispela i min olsem akaun bilong yu o long ol arapela BSP Akauns olsem ol akaun kastoma i save olsem bilong mama, papa, brata, susa na ol arapela akaun.

Long yusim BSP SMS Benking yu mas:

- I GAT 16 krismas o olpela long dispela krismas;
 - I GAT mobail telepon we yu inap long mekim SMS na
 - I KISIM tok orait long yusim mobail na olsem yu inap long baim ol yunit;
- Ol kastoma i ken yusim moa



EM I OP: BSP Menesing Dairekta Ian Clyne (rait han) na bipo Dijisel PNG sif eksekutiv opisa John Mangos i sanap long lonsim SMS Benking sevis long Epril, 2009.

long wanpela telepon long mekim SMS Benking.

Long kastoma i gat ol kain kain mobail ol i mas:

- EM I bilong yu tasol;
- I REDI long baim ol yunit taim yunit i pinis na
- REJISTERIM wan wan telepon wantaim BSP long yusim long SMS Benking sevis.

Long kastoma inap long yusim SMS Benking sevis em i mas save sapos long hap em i stap long en i konetek long netwok long mobail kampani we i

givism dispela sevis.

Long yusim BSP SMS Benking ol kastoma i ken yusim long ol mekim wok benking long narapela kantri.

Long kastoma i go long narapela kantri kastoma i mas sekim mobail sevis long narapela kantri sapos ol i inap long givism dispela benking sevis long ol.

BSP i no save sasim kastoma long yusim SMS Benking sevis long sekim balens bilong en o long sekim las tripela trenseksen bilong en.

Tasol em i save sasim ol kas-

toma long wankain fi olsem ol arapela trenseksen long taim ol i salim o dpositim mani i go long narapela akaun.

Na long wankain taim mobail sevis we kastoma i yusim nogut bai sasim fi long ol.

Dispela em arere long mobail sevis olsem Dijisel we i tok orait long givism dispela sevis long kastoma.

Sapos yu wok long baim ol SMS tok save dispela em long mobail sevis yu yusim na i no sas bilong BSP.

ANZ Benk helpim ol sios na skul long Rigo na NCD

James Kila i raitim

ANZ Benking Grup (PNG) Limited long dispela yia bai i amamasim 100-yia bilong en long givism benking sevis. Olsem na long amamasim dispela 100-yia (centenary) ol ofisal bilong ANZ long las wiken i bin mekim bikpela donesin o givism helpim igo long 3-pela sios insait long Rigo distrik long Sentrol provins.

...benk selebretim 100-yia

Long Fraide ANZ i bin givism donesin we i lukim ol i givism ol samting olsem tebol, sia, ol matres na tu ol narapela samting bilong haus igo long Galomarupu Yunaited Sios. Dispela donesin i bin kamap long Ela Bis, taim ol wokman bilong ANZ Benk i givism ol dispela samting igo long long Siaman bilong Galomarupu Yunaited Sios,

Lago Kilagi.

ANZ Benk midia komiti siaman na Menesa Tred Fainens, Eddie Kumbu i bin sekan wantaim Mista Kilagi long givism ol dispela samting igo long Yunaited Sios long Galomarupu.

Ol narapela lain wokman bilong ANZ husat i bin stap long dispela seremoni em ANZ Divisinol Investi-

gesin Menesa na seketeri bilong midia Komitit, Edward Tau na tu ANZ Sinia Foren Eksens Dila na Midia Komiti memba, Michael Ranganrang.

Long las wik Sarere, ANZ midia komiti tim i bin kisim kar na i bin go wantaim ol lain memba bilong Saroa Keina na tu Sivatana viles long Rigo eria long mekim narapela donesin gen igo long tupela sios gen long dispela eria.

Wantok Niuspepa i bin raun igo wantaim ol tim bilong ANZ igo long dispela wok long Saroa Keina na tu long Sivatana viles long las wik Sarere long givism dispela donesin. Ol tim bilong ANZ i bin givism gutpela toktok long dispela tupela viles pastaim long ol i givism ol donesin igo long ol sios hetman long dispela tupela ples.

Safety Clothes

Safety Vests

Raincoats

Long/Short Sleeve shirts With/Without Reflectives

Gloves

Industrial Work Clothes

Embroidery service

BISHOP BROTHERS NATIONWIDE

www.bishopbros.com.pg

Email: sales@bishopbros.com.pg

Yusim ol skul bilong Kristen long helpim ol fama

Busisi Siwaka bilong DAL i raitim

OL manmeri i mas givim luksave long ol skul bilong Baibel long taim ol i wok na divelopim agrikalsa sekta.

Dispela em toktok bilong Josepha Gabusiani long Jenda na Divelopmen Yunit insait long Policy na Plening Divisen bilong Agrikalsa Dipatmen long Ista toktok bilong en.

Em i mekim dispela toktok bihain long 9-pela wik bilong prea na enrismen sesen.

Mis Gabusiani husat i kodineta bilong dispela Yunit i tok gavman, pravit sekta na ol arapela sekta i mas bihainim skul bilong Baibel sapos ol ilaik kamapim gutpela wok.

Em i tok yunit bilong en wantaim ol netwok poroman olsem Nesenel Kapitel

Distrik Komisen, grup bilong ol meri long faming, sios grup na ol arapela grup I bung wantaim long wanpela lotu na tokaut long save na tingting bilong ol long kamapim gutpela wok.

Sampela sinia gavman opisa na bisnis na komyuniti lida i kamap tu long dispela lotu.

Em i tok 9-pela wik bilong prea na holistik enrismen sesen long yunit bilong en we em i go pas i lukluk long painim save na gaidens i kam long God.

Wantaim dispela i kamap long askim blesing bilong God long ol wok faming I kamap baksait long ol haus silip na ol lain husat i save kamapim kain wok tu.

Dispela em i wanpela progrem we i stap insait long enuel wok plen bilong yunit bilong en.

Em i tok yunit bilong en i mekim olsem bikos ol bilip olgeta samting em man-

meri i mekim i mas kamap wantaim honesti, feanes, trensperensi na i mekim gutpela wok wantaim nogat tupela tingting.

Mis Gabusiani i tok Reveren pater Tom McDonough bilong Sen Jospher peris long Boroko em yunit bilong em i bin askim long toktok long pinis bilong dispela de bilong prea.

Pater Tom i mekim misa na i tingim olgeta agrikalsa sekta long prea.

Em i tok ol opisa i mas save long wanem wok bilong ol long komyuniti na yusim gut dispela save long bringim sevis i go long ol pipel.

Sampela wab wok bilong ol long dispela netwok i stap NCD Desk bilong ol Meri grup.

Na dispela i kisim tu ol sevis ol bai givim ol komyuniti olsem Gawad Kalinga Kapels for Kraiss na Mary Orchid long Bloom na Chinsurah na Kapels for Christ.



KAMAPIM GUTPELA WOK: Reveren pater Tom McDonough i mekim blesim long ol grup i kamap. *Photo: DAL*

Stadi long Japan

JAPANIS GAVMAN (MONBUKAGAKUSHO: MEXT) SKOLASIP BILONG 2010 NAU I REDI

Gavman bilong Japan i givim 3-pela kain ol skolasip: Speselait Trening Koles Studen, Anda Greduet Student na Rists Studen long Papua Niugini stret husat i laik stadi long ol Japanis Speselais Trening Koles o long ol Japan Yunivesiti. Wanem ol samting long gat long dispela ol wan wan kos em:

1) SPESELAIS TRENING (3 yia)

Em bilong ol studen husat i pinisim gret 12 na i laik kisim vokesinol edukesin. Taim bilong dispela skolasip em 1-pela yia long redim yu yet long tok-ples Japanis. Ol lain i aplai mas pinisim gret 12 (o bai pinisim gret 12 long mun Mas 2011) na taim mama i karim ol mas stap namel long Epril 2, 1989 na April 1, 1994.

2) ANDA GREDUET (5 yia)

Em bilong ol anda greduet student husat i laik go long yunivesiti long Japan. Taim bilong dispela skolasip em 1-pela yia long redim yu yet long lainim tok-ples Japanis. Ol lain i aplai mas pinisim gret 12 (o bai pinisim gret 12 long mun Mas 2011) na taim mama i karim ol mas stap namel long Epril 2, 1989 na April 1, 1994.

3. RISETS (1 na hap yia o 2 yia)

Em bilong ol yunivesiti studen husat i laik go long wanpela greduet skul olsem wanpela Riset Tuden o go insait long wanpela Mastas kos (1 mas pinisim 16-yia long skul) o doktoret kos (1 mas 18-yia skul em orait). Ol lain aplai em mama i karim long Epril 2 1976 o bihain long en.

Ol Aplikesin fom i stap long Embasi bilong Japan stat long nau yet igo inap mun **Me 31, 2010**. Ol lain i aplai i mas gat gutpela mak long skul. Ol lain husat i gat gutpela mak tu i ken aplai.

Pulapim gut ol Aplikesin fom wantaim medikol satifiket na givim igo long Embasi pastaim long Jun 11, 2010. Ol tes na intaviu bilong ol lain ol i kisim ol bai kamap long Embasi long Pot Mosbi.

Long kisim moa infomesin, plis ringim skolasip seksin bilong Embasi ong telefon:

3211800/Fax 3212278 o salim pas igo long Embassy of Japan, Scholarship Section (Ground Floor, Cuthbertson House, Port Moresby) P.O BOX 1040, PORT MORESBY, National Capital Distrik

Wewak lonsim nupela pis kredit fesiliti

Piksa na stori Cyril Gare i kisim

NUPELA pis kredit garenti fesiliti nau i kamap long Wewak long helpim ol manmeri bilong Is Sepik Provins.

Dispela i kamap bihain long helpim bilong Wewak Join Distrik Plening na Baset Praioriti Komiti (JDP&BPC) na Memba bilong Wewak na Vais Minista bilong Agrikalsa na Laipstok, Jim Simitab.

Mista Simitab i givim inap olsem K100, 000 tasol i tok promis long givim narapela K500, 000 o moa long dispela long bihain taim bilong long projek i statim wok long 2011.

Long taim bilong lonsing long Wewak Yot Klab, Mista Simitab i givim giaman sek mani bilong K100,000 i go loing menesing dairekta bilong Nesenel Divelopmen Benk (NDB), Richard Maru husat benk bilong en bai menesim mani na kirapim.

Kamap bilong dispela projek i go wantaim long pinis bilong komisining bilong nupela JICA fan K31



KAMAPIM WOK: Memba bilong Wewak na Vais Minista bilong Agrikalsa na Laipstok, Jim Simitab i sainim ol pepa bilong kirapim nupela Wewak Piseris Kredit Garenti Skim long Wewak Yot Klab. Witnesim dispela seremoni em Menesing Dairekta bilong Nesenel Divelopmen Benk Richard Maru (lephan), Wewak Distrik Edministreta, Martin Maingu (namel), na NDB Wewak Brens Menesa, Titus Wrakonei (rait han).

milion Wewak Maket na Pis projek.

Dispela tupela projek bai kamap long liklik taim nau.

Long taim bilong kisim dispela mani Mista Maru i tok mak bilong ol manmeri i kisim lon na mekim wok i stap long K10, 000 na olsem dispela inap long ol pisaman inap long aplai na winim.

Em i askim ol pisan long ol i mas aplai bai dispela i ken helpim ol long mekim bikpela wok piseri bilong ol.

Ol lainmanmeri husat i gat gutpela stori bilong mekim wok bisnis na lukautim mani inap long winim lon isi.

Simitab bai laik lukim dispela projek i mas helpim ol manmeri bilong Wewak ailan long wanem planti taim ol i save kisim strong long solwara.

Long wankain taim Maru i tokaut tu long stap bilong K5 milion long Nesenel Piseris Kredit Skim.

Long dispela em NDB aninit long Ne-

senel Gavman bai menesim na askim ol manmeri long Is Sepik long ol i mas kirap na lukim ol nupela rot bilong mekim bisnis na kamap bilong ol nupela projek.

Tasol long dispela taim Is Sepik Piseris Asosiesen siaman Paul Simbago i tok dispela skim "i go long wanpela sait" long wanem em i bilong "helpim ol bikpela manmeri tasol na i no ol liklik manmeri."

Spit tumas – long go hariap ken bringim birua

LEIGH BOIN i raitim

TENKYU i mas go long dispela kempein bilong MVIL Rot Sefti bikos planti lain i wok long luksave nau insait long nesinol level i luksave nau long wanem bikpela wok i stap long sait bilong sefti na tu noken spitim kar.

Statistics show that previously careless attitudes to speed limits and other fundamental road rules

Ol ripot o namba bilong ol hevi long bipo long rot i save stap long pasin bilong spitim kar na tu hevi we i lukim ol draiva ino bihainim stret ol lo long yusim rot long PNG na dispela i lukim PNG rot i stap olsem ples nogut wantaim planti birua long rot na i winim ol narapela kantri long wol. Long 1998 wanpela stadi long “Rot Sefti Gaidlain bilong Esia na Pasifik Rijon” i soim olsem ol manmeri we save dai long ol birua long rot long PNG em sanap namba tu long ol liklik kantri long Esia/Pasifik.

Ripot i kam long rekot bilong MVIL i soim olsem samting olsem 200 manmeri i save dai long birua long rot long PNG na 650 i save kisim bikpela hevi long wan wan yia bihain long ol kar i painim hevi long rot. Bikpela samting long luksave em planti ol dispela bikpela birua long rot i save kamap long sait bilong spitim kar. Wanpela kain birua we spit i kamapim hevi em taim moa long 40-pela manmeri na pikinini i bin dai long dispela birua long Markham long mun Janueri long dispela yia.

I luk olsem bikpela as tru bilong ol birua long rot long PNG em ol kar o PMV rut 100 bas i bam wankain olsem dispela rut 100 na rut 3 bas we i bin bam long Markham long Janueri 12, taim ol i spit tru. Asisten Polis Komisina, Giossi Labi i kolim dispela birua olsem “wanpela sore taim tru long histori bilong ol birua long rot we i lukim planti lain husat i ron long bas i bin dai long wanpela taim. Namba stret long ol manmeri i dai em 47 na ripot i tok olsem draiva bilong dispela tupela bas i bin spit nogut tru taim dispela birua i kamap. Ol dispela draiva i spit long wanem ol i laik go hariap long long kisim ol pasindia na kisim moa mani.


Dispela ripot na namba bilong ol lain i dai i soim tru olsem dispela nupela MVIL Kod Red task fos we i go wantaim PMV Draiva Kompetisen em bikpela samting. Taim ol PMV i save gat moa long 10 taim sans long bungim hevi, ol NCD task fos i tok lukaut olsem ol draiva i spitim kar em polis mas holim-pasim ol.

“Mi amamas tru long stap insait long dispela nesinol rot sefti kempein long helpim ol PMV draiva long save gut long ol lo long bihainim na draiv gut na noken spit,”NCD Kot Red task fos memba, James Dibela i tok.



BIRUA IKEN KAMAP: MVIL iputim tok lukaut long noken aburisim 25 pasindia long ol sticker long ol PMV Bas tasol ol manmeri iwok longsanap yet.

SPITIM KAR em ino wanpela PILAI



NOKEN SPITIM KAR

STAP WANTAIM GEM PLEN BILONG YU NA SPIT LIMIT

Spitim kar em wanpela long ol bikpela asua tru we i save kamapim birua long rot insait long PNG NA save lukim planti pipel i dai. Sapos yu spitim kar yu bai gat bikpela sans long bungim birua na kilim yu yet o narapela lain. Em taim nau long tingting strong long ROT SEFTI – em ino wanpela PILAI



60 km/h Insait long taun o sato i soim

75 km/h Long ol Haiwe o sato i soim

SAPOS OL I HOLIMPASIM YU BAI YU PEIM MANI O GO LONG KALABUS

ROT SEFTI em ino wanpela PILAI

A road safety initiative by



POMRFU dro

Wik 2.

Sarere April 17, 2010

Ovol 1

9:00am	U20	University	vs.	Royals
10:20am	B	University	vs.	Royals
11:40am	B	Harlequins	vs.	Hunters
1:00pm	A	University	vs.	Royals
2:20pm	A	Harlequins	vs.	Hunters
3:50pm	Primia	Harlequins	vs.	Hunters

Ovol 2

9:00am	U20	Harlequins	vs.	Hunters
10:20am	U20	LaSalians	vs.	Wanderers
11:40am	B	LaSalians	vs.	Wanderers
12:50pm	Meri	Royals	vs.	Wanderers
2:20pm	A	LaSalians	vs.	Wanderers
3:50pm	Primia	LaSalians	vs.	Wanderers

Sande April 18, 2010.

Ovol 1

9:00am	U20	Defence	vs.	Chiefs
10:20pm	B	Defence	vs.	Chiefs
11:40pm	Meri	Defence	vs.	Harlequins
12:50pm	A	Defence	vs.	Chiefs
2:20pm	Primia	University	vs.	Royals
3:50pm	Primia	Defence	vs.	Chiefs

Ovol 2

10:00am	U20	Kone	vs.	Brothers
11:20pm	B	Kone	vs.	Brothers
12:40pm	Meri	University	vs.	Sisters
1:50pm	A	Kone	vs.	Brothers
3:20pm	Primia	Kone	vs.	Brothers

Bar: Lasalians (meri).

Corporate Touch-Port Moresby

Wik 4.

Sande April 18, 2010.

Pul A:

Sir John Guise stadium - Pilai graun 1.

Open Men

8:00am	Bishop Brothers	Vs	G4S
8:30am	Coffey International	Vs	David Consultants & Associates
9:00am	Crusaders	Vs	Colgate Palmolive
2:00pm	SP Brewery	Vs	Niuford Waterboard
2:30pm	JKBS Anakonda	Vs	BSP Love Your Bank

Open Women

9:30am	Bishop Brothers	Vs	G4S
10:00am	Coffey International	Vs	David Consultants & Associates
10:30am	Crusaders	Vs	Colgate Palmolive
3:00pm	SP Brewery	Vs	Niuford Waterboard
3:30pm	JKBS Anakonda	Vs	BSP Love Your Bank

Masters

12:30pm	Coffey International	Vs	SP Brewery
1:00pm	Colgate Palmolive	Vs	PROFESSIONALS NCD
1:30pm	G4S	Vs	Melanesian Trustees Services Ltd

Senior Mix

11:00am	Bishop Brothers	Vs	G4S
11:30am	Coffey International	Vs	David Consultants & Associates
12:00pm	Crusaders	Vs	Colgate Palmolive
4:00pm	SP Brewery	Vs	Niuford Waterboard
4:30pm	JKBS Anakonda	Vs	BSP Love Your Bank

Pul B:

Sir John Guise stadium - Pilai graun 2.

Open Men

8:00am	Origin Energy	Vs	Guinness Ltd
8:30am	Propest Interior Delight	Vs	Melanesian Trustees Services Ltd
9:00am	PNG Power Ltd	Vs	PriceWaterHouseCoopers
2:00pm	Professionals NCD	Vs	South Pacific Air Conditioning
2:30pm	Post PNG Ltd	Vs	PNG Sustainable Development Program

Open Women

9:30am	Origin Energy	Vs	Guinness Ltd
10:00am	Propest Interior Delight	Vs	Melanesian Trustees Services Ltd
10:30am	PNG Power Ltd	Vs	PriceWaterHouseCoopers
3:00pm	Professionals NCD	Vs	South Pacific Air Conditioning
3:30pm	Post PNG Ltd	Vs	PNG Sustainable Development Program


Masters

12:30pm	BSP Love Your Bank	Vs	David Consultants
1:00pm	Niuford Waterboard	Vs	Origin Energy
1:30pm	Propest Interior Delight	Vs	Bishop Brothers

Senior Mix

11:00am	Origin Energy	Vs	Guinness Ltd
11:30am	Propest Interior Delight	Vs	Melanesian Trustees Services Ltd
12:00pm	PNG Power Ltd	Vs	PriceWaterHouseCoopers
4:00pm	S/MX Professionals NCD	Vs	South Pacific Air Conditioning
4:30pm	S/MX POST PNG LTD	Vs	PNG Sustainable Development Program

MIPELA: Tim menesa bilong NCD sofbol tim, ClelandTukana (namel) i bungim sampela ol pilaia bilong em bihain long ol i winim nesenel sofbol sempionsip long Kokopo las wik. **POTO:** NCD sofbol tim.




PRAIS: Ol ofisol i apim na soim Coca Cola Ipatas kap trofi bilong ol tim long lukim las wik long ol semi fainol pilai long Lae. **POTO:** Bustin Anzu.


BUNG: Ol Spartans i amamas wantaim bihain long semi fainol win bilong ol long Lae las wik. **POTO:** Bustin Anzu.

NRL SPOTS DRO RAUN 6 16-19 APRIL 2010

FRAIDE




W/Tigers V^s Bulldogs




Titans V^s Dragons

SANDE



Eels V^s Rabbitohs



Raun 6 Poin Leda

Tim	W	L	B	P
1 Dragons	4	1	0	8
2 Storm	4	1	0	8
3 Wests Tigers	4	1	0	8
4 Titans	4	1	0	8
5 Sea Eagles	3	2	0	6
6 Warriors	3	2	0	6
7 Rabbitohs	3	2	0	6
8 Panthers	3	2	0	6
9 Roosters	3	2	0	6
10 Cowboys	2	3	0	4
11 Raiders	2	3	0	4
12 Bulldogs	1	4	0	2
13 Eels	1	4	0	2
14 Knights	1	4	0	2
15 Sharks	1	4	0	2
16 Broncos	1	4	0	2

Broncos no laik lus moa

BRISBANE Broncos inap pinis long lus na i laik winim namba wan gem bilong ol bihain long 4-pela raun taim ol i bungim Cronulla Sharks dispela Sande.

Broncos i laik kisim inap olsem 5-pela sinia pilaia bilong ol i kam bek long tim hariap long pilai dispela wiken.

Namel long ol em winga Israel Folau.

Trena bilong ol, Allan Langer tu bai kam bek long tim na bai helpim gut tim.

Ol arapela pilaia ol i lukluk long kisim i kam bek tu em yangpela winga, Jharal Yow Yeh, Ben Te'o na Antonio Winterstein husat ol i bin saspenim na tu sinia prop fowet, Nick Kenny.

Kam bek bilong Folau na Yow Yeh long beklain bai helpim long rausim sampela presa long Darren Lockyer na Peter Wallace.

Yangpela Brisbane tim stret long histri bilong klap i pilaim ol Dragons las wik.

Ol i bin pilai strong tasol ino bin inap long stopim ol Dragons husat i gat moa ekspirians.



KAM BEK: Folau bai kam bek dispela wiken long traun na helpim Broncos winim bek wanpela gem bilong ol.

"Mipela i traun long win las wik tasol i lus olsem na dispela wiken bai mipela i soim olsem mipela i no laik lus na no bek long baksait moa.

"Nau mipela i laik go fowet tasol," Broncos kosa, Ivan Henjak i tok.

Em i gat bilip yet long tim bilong em

na i ting ol i ken kam bek strong yet long sisen.

I gat sans long Folau na Yow Yeh bai pilai dispela Sande tasol, Corey Parker, Justin Hodges na Denan Kemp i kisim bagarap na i malolo yet.

Nau em i gat ol yangpela mangi tasol long tim tasol em i bilip yet long tim bilong em.

"Planti tok pinis olsem mipela bai inap long kam bek, em i tru olsem mipela i painim hat liklik nau tasol sapos yu rausim sampela ol pilaia bilong ol arapela tim, ol tu bai lusim planti ol gem bilong ol olsem mipela," Hejak i tok.

"Mipela i gat 11-pela mangi long tim husat ol i kam aut stret long anda 20 tim bilong mipela, krismas bilong 6-pela bilong ol i nap yet long go bek na pilai gen long hap," em i tok.

Henjak i tok em ino wari long dispela tasol i laik soim wankain hevi ol i gat nau.

"Mipela ino sori long mipela yet, mipela ol bikpela mangi na bai wok hat long winim ol gem tasol mipela i save tu olsem ol gem bai no inap isi long ol wik i kam," em i tok.

Titans mekim naislong Storm

HAP bek, Scott Prince ino bin pilai tasol ol Titans i pilai wantaim wankain save na strong long mekim ol Storm i kirap nogut taim ol i winim ol 20-16.

Melbourne Storm kosa, Craig Bellamy i tok tim bilong em i malolo liklik na dispela i lukim ol Titans i daunim ol.

Ol i bin go pas 16-4 long hap taim bipo Titans i paia i kam bek long win.

Dispela i bin namba wan lus bilong ol Storm dispela yia.

Anthony Quin i putim tripela trai bilong ol long go pas tasol Titans ino stop long pilai.

Ol i traun yet we i lukim fowet, Ashley Harrison husat i pilaim 200 gem bilong em long NRL i putim

wanpela trai tu.

Greg Bird na Joseph Tomane tu i putim trai na Matt Rogers i kikim tupela gol na tupela penolti kik.

Bellamy tok asua i stap long ol yet bilong wanem ol i ting ol i win pinis na i malolo long namba tu hap bilong gem we i lukim ol Titans i kam bek na win.

"Dispela ino pasin bilong wanpela gutpela ragbi tim na em ino pasin bilong mipela tu tasol i luk olsem mipela i asua long en hia tete," em i tok.

GUTPELA WIN: Rogers i kikim tupela gol na tupela penolti long helpim Titans i win.



Bikpela de bilong Hekari

■ **Ikam long pes 28**

Long Poin, Hekari skoim 13 na Waitakere i kisim 12.

Nau bai tupela i pilai long lukim husat bai gat sans long kisim US\$500, 000 long go long wol klap salens long Dubai long Disemba dispela yia yet.

Waitakere i gat moa ekspirians long pilai long fainol bilong O'lig tasol Hekari bai strong long sapot bilong ol long asples na tu long strongpela tingting bilong ol long karim nem bilong PNG insait long dispela gem.

Skwat bilong Hekari long dispela

sisen em; Godfrey Baniua, Lorima Dau, Tagaya Lepani, Cyril Muta, Brian Tuihana, Benjamin Mela, Michael Foster, Tuimasi Manuca, Abraham Enoch, Joachim Waroi, David Muta, Andrew Lepani, Tonga Esira, Charles Paranda, Kema Jack, Eric Komeng, Koriak Upaiga, Gure Gabina, Tasola Niebo, Amuna Kamba, Samuel Kini, Kluiwert Dagi, Richard Mama, Koni Upaiga, Desmond Waluka, Bernard Karen, Pita Bolatoga, Jerry Allen (kosa).

Skwat bilong Waitakere dispela sisen em; Danny Robinson, Jason Rowley, Aaron Scott, Tim Myers, Ash Solly, Graham Pearce, Martin

Bullock, Brent Fisher, Benjamin Tori, Allan Pearce, Neil Sykes, Roy Krishna, Dimas Silva, Jeremy Christie, Craig Wylie, Neil Emblen, Jake Butler, Zane Sole, Dakota Lucas, Ryan Vries, Keegan Linderboom, Liam Little, Jack Hobson-McVeigh, Luke Adams, Tom Edwards, Jason Hicks, Dan Jones, Jason Mann, Jordan Vale, Tim Pilkington,

Neil Emblen (kosa).

Tupela tim i no tokaut long nem bilong ol pilaia husat bai pilai long dispela ol gem yet tasol em bai strongpela tim tru ol i putim.

Kik of taim em tri kilok avinun (3pm).

Taim bilong Hekari na driman bilong Kapi-Natto

Bustin Anzu i raitim

HEKARI United FC mas soim kala bilong em olsem dispela win bilong ol long O' lig (O' league) i no giman, long bikpela pilai dispela wiken long Mosbi.

Hekari bai pilaim Waitakere bilong Nu Silan (New Zealand).

Namba tu gem bilong tupela bai long Nu Silan long narapela mun i kam.

Bikpela salens bilong Hekari nau em long soim ol pipel na ol lain bilong soka long kantri olsem ol em trupela tim bilong kantri husat i pilai long dispela bikpela resis.

Dispela em wanpela bikpela driman bilong Sir John Kapi-Natto husat i dai pinis, long kisim Hekari go insait long bikpela pilai bilong O' lig.

Hekari bin winim ol tim long Pul B na nau bai pilaim wina bilong Pul A tasol Sir Kapi-Natto i no inap lukim dispela driman bilong em.

Hekari bin tingim tu long wanem taim bai ol i pilai insait long dispela resis taim Nesenel Soka Lig (NSL) i bin kamap long 2006 bihain long Hekari kamap wanpela soka klap insait long Pot Mosbi Soka Asosiesen (PMSA).

Insait long sotpela taim, Hekari mekim nem long NSL na i winim ples insait long O' lig olsem namba wan tim bilong PNG insait long NS.

Ol i no mekim gut tumas las sisen na tu ol i nupela long kain pilai.

Tasol ol i redim ol yet long dispela sisen na kam gut na hat wantaim.

Bikpela helpim bilong klab em long kisim ol ovasis pilaia husat ol i helpim long kisim klap i go insait long narapela level.

Ol gutpela pilai na save ol i kisim long pilai long dispela level i skulim ol arapela pilai na tim tu.

Papa bilong klap, John Kapi-Natto (Jr) na meri bilong em na tim menesa Vonnice putim planti taim na mani long mekim dispela i kamap tru.

Antap long dispela em pasin harim tok o disiplin, long laip na pilai bilong ol wantaim.

Kapi Natto i bin tok O' lig em wanpela bikpela pilai resis we ol i save tingting long en na nau ol i stap insait long dispela resis, ol bai no inap larim em i ronowe long han bilong ol.

Ol bai kisim na putim i go insait long beg bilong ol.

Vonnice tok em i gat bilip long ol mangi bilong em yet bilong wanem ol i save givim bikpela taim na strong long pilai.

"Mipela i bin pilai olsem wanpela tim long stat bilong sisen na mipela i lukluk long dispela bikpela pilai.

"Nau mipela i stap insait long dispela resis na mipela i no inap larim dispela sans i abrus," em i tok.

Bikpela wok nau i stap long han bilong ol dispela ovasis pilaia bilong Solomon Ailan na Fiji.

Ol i bin mekim bikpela wok long kisim Hekari go insait na ol bai



RAIT MAN: Ol Hekari pilaia i amamasim wanpela SI wanpilai bilong ol bihain long em i putim gol long wanpela NSL gem bilong ol dispela yia long Mosbi. POTO: Andrew Molen.

laik pinisim olgeta.

Ol i no inap larim dispela wok i stap namel long rot.

Benjamin Mela, Alick Mamae, Henry Fa'arado Jr, Gideon Omokoria, Eddie Nagaitin, Stanley Waite na Joachim Waroi bai go pas long dispela tim we bai gat tupela mangi Fiji tu.

Dispela tupela em Tuimasi Manuca na Pita Bolatoga husat i bin givim gutpela sapot long tim long stat i kam nau na bai givim wankain.

Mamae bai soim tru kala bilong em olsem Hekari luksave long stail bilong em na kisim em.

Em i save ron isi na bal i ken ron long tupela lek bilong em wantaim na ol pas bilong em na kik i gat pawa.

Taim em i kik long gol, ol goli bai paol tasol bal i pas pinis long umben.

Omokirio em narapela pilaia i gat planti pilai eksperiens.

Em i save pilai long nambis (beach) soka na i makim SI.

Bipo em i save pilai wantaim Kossa FC we i olupela primia tim bilong SI long O' lig.

Omokirio i bin kepten bilong nesinol tim bilong SI tu.

Eksperiens i kilim em olsem na em i save long mekim wanem long Lloyd Robson Oval dispela Sarere.

Narapela pilaia ol tim i mas lukaut gut long en em Fa'arado Jr.

Em wanpela pilaia we Hekari gat we em i ken yusim save bilong em long winim ol arapela straiika.

Em i pilai long planti ovasis klap long



ASPLES: Andrew Lepani em wanpela asples PNG pilai bilong Hekari husat i mas go pas long strongim tim. POTO: Andrew Molen.

Nu Silan na Australia A-Lig.

Sevis bilong em bai mekim planti senis na givim Hekari sans long win.

Dispela i no inap rausim nem bilong ol mangi asples olsem kepten David Muta na liklik brata bilong em Cyril, Kema Jack, Andrew Lepani, Eric Komeng, Michael Foster, Gure Gabina na Koriak Opaiga.

Ol i save olsem ol bai kisim planti sapot long ol sapota bilong ol long PNG olsem na ol bai pilai strong tru.

Jack, (David) Muta, Lepani na Foster mas i go pas long dispela tim na soim rot olsem ol papa graun.

Gutpela lidasip bilong ol insait long fil bai lukim Mamae, Fa'arado, Waite na Omokirio i mekim nois long umben bilong Waitakere.

Tasol ol i noken lus tingting long Waitakere.

Waitakere i gat planti eksperiens moa long Hekari bilong wanem, em i pilai raun insait long dispela O' lig planti taim liklik na i gat save.

Ol tu i gat ol ovasis pilaia bilong Brazil, SI na Saut Afrika husat i gat luksave.

Tupela yia i go pinis, ol i bin pilai insait long O' lig fainol na ol i save long presa we i save kam o stap bilong dispela pilai na ol i ken abrusim dispela birua.

Kosa, Neil Emblen i save olsem PNG tu i gat wankain save na stail bilong pilai na em i save wanem samting bai kamap long dispela gem long Mosbi.

Dimas Da Silva bilong Brazil, Benjamin Totori bilong SI, Ryan De Vries bilong Saut Afrika na yangpela skul mangi, Dakota Lucas bai traim long kilim i dai paia bilong Hekari.

Totori bai kisim bikpela salens long ol mangi wantok bilong em bilong SI husat i save pilai wantaim Hekari long wanem.

Ol yet i save long pilai olsem na ol bai kisim was long ol yet.

Long Sir Kapi-Natto, driman bilong em i kamap tru tasol em yet i no inap lukim dispela pilai.

Long wanpela nambis long Solomon Ailan long 2008, gutpela apinun na san i laik go daun na nogat win na solwara i slip gut tru.

Hekari bin i go pilai wantaim U20 na Marist Klab bilong SI we ol i winim tupela wantaim.

Sir Kapi-Natto i bin go wantaim ol na long dispela apinun, ol i go kisim win na mi bungim ol.

Em i sindaun long wesana na rausim ai glas bilong, i kisim wanpela hap laplap long poket bilong em na klinim ai glas bilong em na i tok: "Mi gat bikpela laik long lukim Hekari pilai long O' lig tasol mi no save wanem taim.

"Mipela i gat gutpela ol mangi we ol inap long pilai tasol mi no save olsem wanem na mipela ino inap pilai," em i bin tok.

Dispela toktok em i olsem nupela yet long tingting bilong mi bihain long ol dispela yia i kam na hamas pilai mi lukim bilong Hekari long SI na long PNG wantaim.

Sapos ol i winim dispela pilai agensim Waitakere long Mosbi na bihain i go long Nu Silan na kilim ol long hap, driman na tingting bilong Sir Kapi-Natto bai karim kaikai.

Tasol sapos ol i winim wanpela pilai na lusim narapela, ating Hekari soim Pasifik olsem mipela tu em ol man na noken lus tingting long mipela long pilai soka.

Tingting bilong Sir Kapi-Natto em wok yet – Hekari go pilai long O' lig.

Mipela i givim yu, Hekari olgeta gutpela tingting long O' lig fainols.

SPOT RAUN

WANTAIM

Scott Vavine, ML



Bilong wanem na yu mas ridim dispela kolum

DISPELA wik bai mi toktok long wanem as na yu mas ridim dispela kolum o hap toktok long hia olgeta taim.

Dispela kolum em i gutpela tru bilong wanem em i save tokaut klia long ol kain kain wok bilong spots, long ol grasrut manmeri bilong komyuniti insait long kantri.

Em i no save tokaut tasol, em i save skulim yu tu long planti samting bilong komyuniti spots we yu mas save bai yu ken kamapim na ronim ol gut.

Mi ken tokim yu olsem dispela kolum ino olsem ol arapela kolum i save stap insait long ol arapela niuspepa bilong PNG.

Mipela i save raitim dispela pepa na kolum tu long mama tokples bilong yumi ol PNG stret, tok Pisin we yumi olgeta bai ken inap long ridim save gut.

Tingim, taim mi tok olsem em ino olsem ol arapela kolum insait long ol arapela niuspepa, mi min olsem em i gat sampela ol samting we yu bai no inap lukim insait long ol arapela.

Long hia bai lainim planti samting long sait bilong spots long grasruts level na tu long intanesenel level.

Dispela kolum i ken helpim long senisim tingting bilong yu long ol pasin na rot yu save bihainim long lukautim na ronim ol komyuniti spots bilong yu.

Dispela ol senis i ken helpim na senisim tu laip bilong ol manmeri insait long komyuniti bilong yu.

Em i ken helpim yu na komyuniti bilong yu tu long lukluk long ol arapela hevi we wanwan spots ogenaissen i save bungim insait long komyuniti.

Astingting bilong dispela kolum em long lukluk long gutpela sindaun bilong ol manmeri husat i save stap insait long dispela ol komyuniti na wanem kain rot spots i ken helpim ol long kamapim gutpela sindaun.

Ol spots lida i ken kisim planti gutpela save long hia we ol i ken yusim long helpim ol long stretim na ronim gut moa ol komyuniti spots bilong ol.

Sapos ol i lainim planti samting long hia bai ol i no inap wari long go long wanpela bikpela kos long kisim wankain save.

Ol i ken bihainim tasol ol samting mi save soim long hia na ol samting bai kamap gut long ol.

Dispela em trupela tok mi tokim yu long dispela kolum.

Mi laikim olgeta manmeri mas stat long baim wanpela kopi bilong dispela niuspepa na ridim dispela hap kolum olgeta taim long lainim na save long planti moa samting.

Sapos yu bihainim ol toktok i stap insait long hia bai yu yet i lukim senis i kamap long ron bilong ol spots bilong yu na tu insanity long komyuniti bilong yu.

Laspela samting mi laik tok em; mi laikim olgeta manmeri husat i save ridim dispela pepa na dispela kolum olsem ol samting mi raitim long hia em mi no raitim nating.

Mi save raitim ol samting we mi lainim insait long planti yia tru long wok bilong mi olsem wanpela spots opisa wantaim ol grasruts komyuniti spots insait long kantri.

Long dispela as mi ken tok olsem dispela ekspiriens bilong mi i mekim na wanem samting mi putim long hia bilong yu long kisim na save em ino pipia na bikpela save tru na nogat man bai nap long askim save bilong mi long en.

Nandex laikim Pang i pait long PNG

KIKBOKSING promota, Stanley Nandex i laik bai olgeta PNG paitman i stap insait long wol taitol tonamen bilong em namel long dispela yia long Mosbi.

Wanpela bilong ol em "Mixed Martial Arts" (MMA) sempion, Adrian Pang.

"Mi wok long toktok wantaim Arian "Hunter" Pang nau sapos em i laik stap insait long dispela so tu," Nandex i tok.

Pang i amamas long toktok bilong Nandex na i laik pait long PNG tu long dispela tonamen.

Nandex i toktok pinis tu wantaim profesenol boksa, Kartu Arang husat i save stap long Australia na pait aninit long klap bilong Anthony Mundine.

"Arang i amamas long tingting bilong mi na i gat laik long stap insait long dispela tonamen.

"Long dispela program mipela laik putim olgeta PNG paitman bilong wanwan stail bilong pait olsem kikboksing, muay thai, boksing, MMA, karate na taekwando agensim ol paitman bilong arapela hap long wol," em i tok.

"Yes, mi amamas na mi no laik wet moa long stap insait long dispela so," Arang i tok.

Nandex bai toktok wantaim menesmen bilong Arang dispela Fraide

(Epril 16).

Nem ol i laik givim long dispela tonamen em "Rest of the World vs PNG Episode 2."

Ol i lukluk long holim dispela tonamen long Jun 27 tasol ol bai sekim wantaim ol paitman sapos ol i nap kamap long dispela taim.

"Sapos nogat bai mipela i surukim i go long namba tu o tri wik bilong Julai," Nandex i tok.

Andy Sam, Laurie Hanku na Gabbie Yura bai pait long winim bek ol taitol bilong ol tasol long wankain taim Nandex i lukluk long putim ol arapela olsem Arang, Rickson Yamo, Mark Sondo, Pang na ol arapela PNG paitman husat i stap long PNG na ovasis.

"Mi laik kisim ol nupela kain stail bilong pait insait long ring i kam long PNG namba wan taim tru nau na mi save planti manmeri long hia bai amamas long lukim i kamap," Nandex i tok.

Nandex i stap nau long Sydney, Australia long toktok wantaim ol intanesenel paitman na tu long kisim



PAITMAN: Pang bai stap namel long ol arapela PNG paitman long bikpela tonamen long Mosbi bihain long dispela yia.

tok orait bilong World Kickboxing Association (WKA) long kamapim wol taitol pait.

Em i tok tu olsem 5-pela paitman i tok orait pinis long kam na em i wok long painim ol arapela nau.



REDI: PNG anda 15 tim bilong ol meri laik winim OFC anda 17 taitol. **POTO:** PNGFA.

Ol anda 15 meri putim ai long OFC taitol

PAPUA Niugini Anda 15 tim bilong ol i putim ai bilong ol tasol long winim anda 17 Oceania Football Confederation sempionsip long Nu Silan (New Zealand).

Ol i bin stap long Gol Kos (Gold Coast) long Australia long Epril wan yet we ol i trening hat tru na i kamapim sampela pilai tu wantaim ol arapela tim.

Tim i stap nau long Nu Silan (NZ) long pilai insait long dispela tonamen we i stat long Epril 12 na bai pinis long 16.

Dispela pilai bai kamap long North Harbour stedium.

PNG bai pilai agensim Solomon ailans, NZ na Tonga.

OFC opisa bilong PNG Football Association (PNGFA), David Brand i tok krismas bilong olgeta pilaia long tim i aninit long 15 na tupela tasol i gat 17 krismas.

"Ol i makim ol wantaim astingting bilong Youth Olympic Games (YOG) long 2010 na tu ol bai ken pilai long anda 17 long tupela yia bihain," Brand i tok.

"Mipela i nogat ol biknem pilaia long tim, olgeta i yangpela na nupela na i bung wantaim dispela wik tasol," em i

tok.

Menesmen bilong PNGFA i lukluk long dispela tonamen olsem wanpela rot bilong developim ol dispela yangpela pilaia.

Ol i bilip dispela ol yangpela pilaia bai nap kamap ol gutpela sinia pilaia bilong PNG bihain taim na ol bai redi gut tru taim Pasifik gems i kam long PNG long 2015.

Tim i kisim tu sampela helpim long BSP benk bipo ol i go long Australia.



S P O T S



Isu 1861

Wan wik: Fonde, Epril 15 - 21, 2010.



free **K3** credits every week

Leave your bemobile phone switched on and we'll text you every week with your weekly FREE K3 Credit until May 1. * Conditions apply

bemobile toktok moa

Bikpela de bilong Hekari

Namba wan O'lig fainol



Andrew Molen i raitim
BIKPELA tes bilong Hekari United FC bai kamap dispela Sarere taim ol i bungim Waitakere FC bilong Nu Silan (New Zealand) long Mosbi. Dispela bai namba wan fainol pilai bilong ol insait long O' lig resis. Bihain long dispela bai ol i pilaim wanpela moa fainol gem long asples bilong Waitakere

long Taylor Park long Sande Mei 2. Hekari bin winim Pul B divisen bilong en insait long O'lig na Waitakere i win long Pul A. Long 6-pela gem bilong ol wanwan, Hekari winim 4-pela gem, droim wanpela na lusim wanpela long Pul bilong en na Waitakere i winim tripela na droim tripela.

■ Igo moa long pes 25

AMAMAS: Hekari amamas wantaim ol sapota bilong ol bihain long ol i winim wanpela gem bilong ol agensim Koloale FC bilong Solomon ailan long 2009. *Wantok Poto.*

NISSAN URVAN

Feveret PMV Bilong PNG

DRIVIM IGO K69,900



- 3.0 Lita Diesel Engin
- 5 Spid Manuel Transmisen
- Mor Pasindia Hetrum
- Redieta stap wan mita bihain long frant bampa

NISSAN SHIFT the way you move

Piksa bilong edvetismen tasol.

BOROKO MOTORS

PORT MORESBY
LAE
MT HAGEN
TABURIL
Ph: 325 5255
Ph: 472 1144
Ph: 542 1933
Ph: 649 9048
KIMBE
MADANG
RABAU
Ph: 983 5035
Ph: 422 2659
Ph: 982 8193

